


學海類編

第九十六冊



文苑英華辨證敘

叔夏嘗聞 太師益公先生之言曰校書之法實事是
正多聞闕疑叔夏年十二三時手抄 太祖皇帝實錄
其閒云興衰治之源闕一字意謂必是治亂後得善本
迺作治忽三折肱爲良醫信知書不可以意輕改文苑
英華一千卷字畫魚魯篇次混淆比他書尤甚曩經
孝宗皇帝乙覽付之御前校勘官轉失其真詳見益公
公序篇
既退老邱園命以校讎庸見淺聞甯免謬誤然考訂商
推用工爲多散在本文覽者難徧因會粹其說以類而

分各舉數端不復具載小小異同在所弗錄元注頗略

今則加詳謂如一作某字非其未注者仍附此篇初不注者

後因或人議及勒成十卷名曰文苑英華辨證云嘉泰

四年冬十有二月己丑朔鄉貢進士廬陵彭叔夏謹識

其間云與身命之術如一字冠帶亦皇帝所命得詳本

正之開闢效以平十一二湖毛姓大加皇帝定統

以發其間

文苑英華

文苑英華辨證目錄

卷之一

用字一

用字二

用字三

用韻一

用韻二

事證

卷之二

事誤一

事誤二

事疑

人名一

人名二

卷之三

人名三

人名四

人名五

卷之四

官爵一

官爵二

官爵三

郡縣一

郡縣二

郡縣三

年月一

年月二

卷之五

年月三

年月四

名氏一

名氏二

卷之六

名氏三

題目一

題目二

卷之七
門類

脫文一

卷之七

脫文二

脫文三

脫文四

同異

卷之八

離合

避諱

異域

鳥獸

草木

卷之九

雜錄一

雜錄二

雜錄三

卷之十

雜錄四
雜錄五

文苑英華辨證目錄

文苑英華辨證卷之一

宋 廬陵彭叔夏 著

用字一

文苑英華辨證卷之二

凡字因疑承訛當是正者○如李邕日賦將閑谷兮永
 言豈覆盆兮貽悔蘭當作閑見文選曹植與吳質書閑

玉有瑕穢必見于外故君子不隱所短則穢字是○白

居易賀雨詩已責寬三農迺用左傳晉悼公已責事謂

止通責也而集本文粹竝作責己上文已云下罪己詔此不應又云責己

○權德輿李國貞碑人命將泛迺用漢食貨志大命將

泛泛方勇反覆也而集文作沈○此類當以文苑為正

內不言本題者所用非一處也

用字二

凡字因疑承訛當是正者○如李邕日賦將閑谷兮永

言豈覆盆兮貽悔蘭當作閑見文選曹植與吳質書閑

濛汜之谷○驕陽賦

闕名他皆
放此

水于土而成妖于當作

千見春秋繁露水干土則大旱○又誓中隅而有請詳

上文指廣漢從事按搜神記諒輔為廣漢從事夏旱出

禱誓至日中雨不降請以身塞迺積柴將自焚至禺中

時雨大作據此則中隅當作禺中

禺淮南子
作隅

○吳融沃

焦山賦嘉穀薿薿五獲何利詳上文言幽并之墟按管

子恆山有穀四種五獲據此則嘉穀當作嘉穀○賈餗

履薄冰賦時刻刻而屢起屢當作履禮記弁行刻刻起

屨○王澄梓材賦掄材者杼杼當作杼廣韻杼木工匠

或作梓○浩虛舟王者父事天兄事日賦草邑難窮屢

軫南陔之戀棠陰易匿常思棣萼之華邑或改作味非

也南陔補亡詩云循彼南陔厥草油油彼居之子色思

其柔則邑當作色○日中為市賦權層于焉積實按漢

趙王彭祖傳為賈人推會師古曰專推賈人之會若今

和市會工外反則權層疑作髦會○高郢吳公子聽樂

賦馬弭毛而仰秣魚竦鱗而躍浪按左思吳都賦馬弭

髦而仰秣魚疏鱗而上升則毛當作髦疏當作竦○林

慮山人鍾期聽伯牙鼓琴賦納正集邪按白虎通琴者

禁也禁止于邪以正人心也則集當作禁○梁涉長竿
賦有格擇之修竿按司馬相如大人賦建格澤之修竿
注格澤氣也格胡各反澤大各反則擇當作澤○樊晦
燕巢賦或在王筵王筵當作玉筐文選安陸王碑注云
有娥氏取燕覆以玉筐○王起魚銜珠賦得廉寸之彩
廉疑當作兼左思魏都賦明珠兼寸又疑作度韓詩外
傳良珠度寸○又如董思恭日詩滄海十枝暉見山海
經扶桑九日居下枝一日居上枝而或作滄海十丈暉
○楊炯宴應詔詩妖星六丈出見漢天文志五殘六

賊司詭咸漢四星竝去地可六丈而或作妖星六紋出

王勃九成宮頌林兵護野方臣啓路臣疑當作神班固

東都賦山靈護野屬御方神

篇末第十七頌亦云方神護野

又架千樓而致極致疑當作擢楊雄甘泉賦擢北極之

嶙嶙○劉藏器恤刑策赭衣艾筆筆疑作畢荀子治古

無肉刑而有象刑共艾畢殺赭衣注畢與鞞同

或云古文筆畢

通用

○薛道衡老氏碑非纓知恥畫服興慙非一作草

疑當作草草古草字草纓見慎子○王延昌河瀆碑春

以泮凍秋以涸流涸流當從漢書郊祀志作涸凍○文

墨相望文墨當從國語作文墨五尺為墨○漸邑磨城漸

當作擗音憶舉手擬之也見楊雄長楊賦○崔太師家

廟碑眊眊孝子眊眊疑當作髦髦音沐謹愿貌見漢書

鮑宣傳○權德輿李國貞碑亂之劇也劇當從集作剡

國語舅犯曰大亂之剡也不可犯也注剡鋒也○張說

鄭夫人誌閨門之訓閨當從集作闔國語文伯之母闔

門與康子言注闔闔寢門也闔音薦○于邵謝賜甘子狀

分甘絕劣按司馬遷傳李陵絕甘分少今文既顛錯少

又作劣恐當云絕甘分少○溫庭筠上村舍人啓物乘

其勢則嘒紀畫塗按王褒傳忽若彗汜畫塗言其易也
今訛作嘒紀恐當云彗汜畫塗○此類覽者所宜詳也

用字三

凡字有兩存于義亦通者○如天晴景星見漢天文志

晴當作暉暉精明也○雍時舉燿火史記漢書作權火

而張晏注史記權火音燿周禮有司燿許氏說文舉火

曰燿司馬氏史記索隱作權火孟康注漢書云狀如井

絜皋如淳曰權舉也○喬潭羣玉山賦登隱全石鎮罔

兩賦登隱全之邱莊子本作隱弁釋文弁符云反又音

學海類編 文苑英華辨證一 考索

學海類編 卷之五 考據
紛○賈餗穿楊葉賦誤詬不能以施力莊子本作喫詬
喫口懈反喫詬多力也○李德裕大孤山賦掩二山而
磔豎又郭璞江賦虎牙嶸豎以屹峯而諸本竝作磔○
陶洪減裂禾賦竝陵兢而靡窮據楊雄甘泉賦入凌兢
或云凌陵
通用 ○陳子昂陳明經誌顛頤虎頭顛文粹作欽
按後漢周燮欽頤注欽或作顛丘凡反而集又作燕頤
此類竝仍其舊或注一作

用韻一

凡前人用韻有兩音而不可輒改者○如吳均酬別詩

押亮字韻下云七寶雕華裝裝唐韻側亮反行裝也而

藝文類聚故作華杖

陶翰贈盧司倉詩末由飭仙裝亦是去聲而或改作杖

○

孟浩然送辛大不及詩押汝字韻上云日暮獨悲余余

與予同楚詞目眇眇兮愁予從上聲讀而集本改作愁

緒○李又贈同行人詩驄馬何嘗驅正用樂府驄馬驅

事驅唐韻區遇反或改爲駐而不知前已押節序催難

駐矣○又如朱休駕幸太學賦各呈材而切磋唐韻磋

七過反而或改作效課楊濤蟻穿九曲珠賦乍見規行

之迂唐韻迂于武反迴曲貌而一本疑平聲不協韻改

作迓尤非○此類當以文苑為正

唐賦韻數平側次序初無定格今略舉一二○有四韻

者泰階六符元亨利貞秋月至明周照莫莢呈瑞聖朝丹甌有國

豐年等篇是也○有五韻者五星同色昊天有命海上五

色雲餘霞散綺金莖日華川動殘雪明月照積雪等篇是也○有

六韻者止水清審洞徹翹翹道德仁義信及豚魚聖朝

微隱善師不陣聖朝威服等篇是也洪氏容齋續筆乃

朝日賦國家行仲之令人鏡賦王聖臣道光貞指為六

韻按文苑所載乃是國家行仲春之令七韻主聖臣忠

道光貞觀八韻蓋登科漢文帝時○有七韻者日再中數如此

武藝絕倫弧矢之利觀紫極舞大樂與天地同和等篇是也○

有八韻者今為定○有九韻者二氣合景星其狀無常

國竹宮望拜神光上辛之日有丘大儼命有司送寒氣○

有十韻者千秋鏡鵲飛如向月龍秦客相劍決浮雲清

為韻冰壺清如玉壺冰河諸篇是也洪氏又云有三韻

為韻誤矣按登科記花萼樓賦并序以題為韻今文苑

花萼樓賦以花萼樓賦一首并序為韻皆押八韻凡有

五首蓋唐賦所謂以題為韻者或并賦字押如日中有

六韻今花萼樓賦一首并序以題為賦者并賦字押凡

平四側者今為定 ○有三平五側者日月合璧兩曜相合候時

不差 先王正時令四時漸差置 ○有五平三側者冰將

釋和風既至遲 玉壺冰堅白貞虛作 諸篇是也洪氏又

門觀試武舉人賦君聖臣肅慎擇多士幽蘭賦遠芳襲

能一為貞而能一乃四平四仄與登科記不同

○有二平六側者泗濱浮磬美石見質琢 圖畫功臣立

尔功惟克 ○有六平二側者白雲無心山川出雲天 鑿

壁偷光將欲貪于 諸篇是也洪氏又以旗賦風日雲舒

文苑所載風日雲舒軍國清肅乃 ○有以平上去入為

四平四仄登科記必誤

韻者如三無私山公啓事等篇是也 ○有平上去入周

而復始者如空賦三足鳥賦等篇是也洪氏又云自太

為常按登科記太和六年試君子之聽音賦以審音合

志鏗鏘為韻猶是六韻開成三年試霓裳羽衣曲賦任

事證

凡用事有可以證他本之非者 ○如楊炯渾天賦日應

于天桓君山由其發難按晉天文志桓君山曰天若如

推磨右轉而日西行者其光景當照此廊下稍而東耳

不當拔出去拔出去是應渾天法也據此則日應于天

爲是而文粹迺以日作候○又影短而多暑影長而多
寒按周禮日南而景短多暑日北而景長多寒諸史志
竝同而文粹作影長而多暑影短而多寒○又執法者
廷尉之曹大夫之象按晉志左執法廷尉之象右執法
御史大夫之象而文粹作大臣之象○又星芒伏鼈按
前志句始其怒青黑色象伏鼈宋均曰怒謂芒角刺出
而文粹作星流伏鼈○王起禋六宗賦天宗必降按月
令祈來年于天宗注謂日月星辰也詳此賦上文言禋
于三辰則天宗也而一本迺作六宗○張九齡神池頌

天根有見曾是不涸按國語天根見而水涸注天根亢
氏之閒寒露後五日朝見而集本乃作天眼○李庚東
都賦至天后朝匪伊是居于焉逍遙文粹以至天后朝
作高祖至于后朝按東都隋置武德四年廢則天改曰
神都遂居之殆非高祖時也○杜牧李給事詩元禮退
歸綸氏學按李膺本潁川人綸氏屬潁川膺免官歸綸
氏教授常千人而集本誤作緱氏○孫壽萬寄京邑親
友詩唐彬不競勤按晉唐彬知孫皓將至遲留以示不
競而隋書本傳載此詩迺作吾彥不爭勲吾彥本降將

初無不爭功事○白居易灑底松詩金張世祿黃憲賢
牛衣寒賤貂蟬貴黃憲為牛醫兒衣字疑而集本作原
憲貧詳上下文黃憲賢是○駱賓王鈞磯應詰文素龜
靈也被髮阿門白龍神也挂鱗且網莊子宋元君夢人
被髮闕阿門即白龜也說苑白龍為豫且所網而集本
以阿門作河津且網為置網○蘇頲策汴王文思窮占
雨沛經不測其精微按東觀漢記沛獻王輔善京氏易
永平五年少雨上以易林占之繇曰蟻封穴戶大雨將
至問輔輔曰蟻穴居知雨將至是占雨也而唐大詔令

作沾雨○皮日休秦繆公諡論注文許里克以汾陽之

田百萬丕鄭負蔡

一作葵

之田七十萬按國語注百萬百

萬畝七十萬七十萬畝也而文粹以百萬作方百里七
十萬作方七十里○又與人誦之曰佞之不佞國語作
佞之見佞而文粹作侯之不侯○張說隴右監牧碑第
賞堂邑之山林按東方朔傳堂邑侯尙大長公主主謂
武帝臨安山林而集粹竝作京邑○又夫其處身則立
無跂正也視無還端也聽無聲成也此語見國語跂作
跛聲作聳而成字集粹作誠國語作成○禁原焚牧禁

原見周禮禁原蠶而集粹作焚原燎牧○張九齡裴光
庭碑詳施稅簡稽之政周禮大司馬施貢分職簡稽鄉
民而集以施作征○梁肅獨孤及行狀惟四布然後迺
斂惟字疑檀弓司徒旅歸四布注謂四方之賻布而集
作待賜布及卒于常州非待賜布○此類當以文苑爲
正

文苑英華辨證卷之二

宋 廬陵彭叔夏 著

事誤一

事有訛誤當是正者○如驕陽賦孫武之失誚梁君之
射烏按藝文類聚引莊子太平御覽引說苑竝載梁君
欲射白鴈行者駭之君怒欲射行者公孫龍止矢曰昔
先公時大旱卜以人祠公曰求雨以爲民也言未卒大
雨今君以鴈殺人乎今莊子無此文而劉向新序載之
以龍爲襲以先公爲齊景公非說苑也據此孫武之失

當作孫龍止矢烏當作鴈○鴻賦既隨軒于良史按後漢虞國爲日南太守行惠澤有雙鴻隨軒據此良史當作良吏○薛道衡臨渭源應詔詩激浪還天河當從初學記作象天河三輔黃圖渭水貫都象天河○李白西岳靈臺歌身騎第一龍上天飛當從集作騎二茅龍初學記華山門載列仙傳呼子先者有仙人持二茅狗來騎之乃龍也續添○杜甫七哀詩范雲顧其兒當從集作范曄宋書曄謀反誅將死顧念其兒也○李德裕與黠戛斯書契徑路之刀舉琉璃之酒按前漢匈奴傳單

于以徑路力金留犁撓酒注徑路匈奴寶刀金契金也契刻也留犁飲匕也琉璃當作留犁○于仲文上隋高祖書虎豹十萬之眾按隋書本傳云席毗十萬之眾席毗尉遲迴將也虎豹當作席毗○韓翃爲田神玉母謝男神功葬賜錢表周顛之親奉子貴登僕射異勤之母不見生拜司徒時神功爲右僕射薨贈司徒與周顛爲僕射母絡秀尙在則同而與馮勤爲司徒母年八十則異周當作同○李商隱爲李貽孫上李相公啓屢持寄字信未皆通敬禮小文頗當留意按陳書庾持好爲奇

字屢持寄字當從集作庾持奇字下對敬禮迺丁廣字也嘗作小文見文選曹植書○庾信五張寺經藏碑度河餘獸移關舊村又曰言從楊僕請謝劉琨琨當作昆用後漢劉昆虎度河事○蘇頌陝州龍興寺碑睦而奉娣郭弈之儔也娣當作姊用晉郭弈奉姊事○楊炯楊去盈誌賈氏五虎五當作三後漢賈彪兄弟三人並有高名天下稱賈氏三虎偉節最著續添○此類覽者所宜詳也

事誤二

前人用事元自舛誤而文苑有襲之者○如樊晦階賦憶趙妃之嬌妒窮漢武之寵慾昭陽特起麗飾繁縟砌釵黃金階闐白玉按漢成帝爲趙昭儀居昭陽舍砌皆銅沓冒黃金塗白玉階則非漢武也○又陳后長信獨遭弃捐塵駁紫蘚庭鋪綠錢望金屋而魂絕對玉階而愁連按漢武帝陳后退處長門宮卽非長信而成帝班婕妤共養太后長信宮作賦自傷曰華殿塵兮玉階落中庭萋兮綠草生賦中正指此事則非陳后也○又如長門怨詩劉早云昭陽更漏不堪聞耿緯唐書作漳云

聞道昭陽宴楊衡云望望昭陽信不來劉媛云愁心和
兩到昭陽王貞白云葉落長門靜又云昭陽歌舞伴昭
陽迺趙昭儀則非陳后長門宮事也○梁范靜妻沈氏
昭君怨詩早信丹青巧重賂洛陽師此指毛延壽也西
京雜記延壽長安杜陵人則非洛陽矣○李頎鄭櫻桃
歌官軍女騎一千匹繁花照耀漳河春織成花映紅綸
巾紅旗掣曳鹵簿新此指石季龍也鄭櫻桃迺季龍所
寵優僅季龍常以女騎一千爲鹵簿皆著紫綸巾熟錦
袴金銀鏤帶五丈織成鞞游于戲馬觀則非織成花紅

綸巾矣○常袞賀日當蝕不蝕表同道相遇當作過則聞

昭子之對左傳梓慎曰分同道也至相過也則非昭子

續添

○皮日休相解上善出于性若文王在母不憂重

耳弱不好弄左傳夷吾弱不好弄則非重耳續添○白

居易祭烏江十五兄文冉求斯疾論語伯牛有疾子曰

斯人也而有斯疾也伯牛名耕則非冉求○庾信侯莫

陳道生誌臨晉橫船旣擒趙將按韓信臨晉陳船虜魏

王豹其擒趙將迺拔幟事在虜豹後○此類恐作者之

誤

事疑

事有可疑或兩存者○如史宏冰井賦廬陵之瑞空存三色之名按異物志廬陵城中一井水二色半青半黃

宋永初山川記同

今作三色○李庾西都賦配前秦與後趙

此言京尹也文粹又作前王似謂前有趙張後有三王

但疑顛倒其文耳○侯喜秋燕辭巢賦漢落葉兮一作

漢案戶兮續漢禮儀志仲秋之月縣道皆案戶比民大

戴禮漢案戶漢也案戶也者直戶也言正南北也一作

疑是

續漆

○劉孝綽上虞鄉亭觀濤詩化雞仰李智馴

雉推仲康季智仇覽字仲康魯恭字也化雞一作化鶉

疑是化梟仇覽傳化我鳴梟哺所生○駱賓王疇昔篇

五丁卓犖多奇力四士英靈富文藝此言蜀中也左思

蜀都賦江漢炳靈世載其英蔚若相如皜如君平王褒

鞞鞞而秀發楊雄含章而挺生四士指此一作四皓恐

非蓋此篇末句又云商山四翁也○崔元翰請復尊號

第三表白虎通曰伏羲正五始按白虎通伏羲因夫婦

正五行始定人道今諸本並作五始疑誤

此表又見柳文亦作五始

○杜牧請追尊號表武帝之逐北虜四海耗半高宗之

伐鬼方三年迺克尙書班史稱德詠功按鬼方事見周易既濟未濟二卦今云尙書疑誤集本同或疑是逸書○劉彤論鹽鐵表孝武爲政廢馬三十萬匹後宮數千萬按貢禹傳孝武取好女數千人以填後宮今云數千萬疑非○庚信謝趙王賚犀帶啓昔沈義將盡逢司命而還生士燮行埋值仙人而更活按三國志杜畿傳注童子謂畿曰司命使我召子畿固請童子爲求代者今作義沈未詳士燮迺董奉事亦見三國志注○是儀鬻書衣判是儀無首族變于句吳三國志是儀本姓氏孔融嘲儀

氏字民無上故改爲是一本作爲首非○盧思道爲北齊檄陳文述吳明徹呂梁之敗及司馬消難奔陳事以史考之明徹呂梁之敗在周宣政元年先一年周已滅齊後二年消難方奔陳又明年周禪隋是爲開皇元年伐陳今既題作北齊又有我大齊語疑皆當爲隋○李嶠攀龍臺碑蓄宏圖于綠鶴之鼎綠鶴當作綠鶴離騷曰綠鵠飾玉后帝具饗后帝殷湯也伊尹綠烹鵠之鳥羹修飾玉鼎以事湯湯以爲相鶴鵠二字通用說見鳥獸篇○又龍額武肩有合良之骨法戴鈴懷斗似高密之容

額額當作顏合當作含帝王世紀文王龍顏虎肩春秋
元命苞文王四乳是謂含良高密乃禹字亦見世紀○
王勃梓州白鶴寺碑鹽泉錦室家稱三燭之毫疑當作
三蜀之豪蜀都賦家有鹽泉之井又云三蜀之豪○又
廣州寶莊嚴寺碑王堂之居池郡但舉賢良池疑當作
汝事見後漢王堂傳一作王商非○楊炯隰川令李公
誌代恭王之子郢客爲後按漢代恭王子義嗣其父爲
王楚元王子郢客爲侯今云代恭王子郢客未詳而集
本又云楚代恭王之子郢非客爲侯尤不可曉○庾信

周安昌公夫人鄭氏誌東都言讖司空爲武衛之官武
衛一作元武按後漢王梁傳赤伏符曰王梁主衛作元
武元武水神名司空水土官也○李商隱祭伏波廟文
公孫淵之刺客淵集作宏俱非疑當作述事見馬援傳
○又祭宣武王尙書文鄙管室之鬻練練集作陳俱非
疑當作練葛也事見土道傳○此類覽者所宜詳也

人名一

凡用事有人名與他本異不可輕改者○如皇甫湜醉
賦劉靈作酒德頌按文選酒德頌五臣注臧榮緒晉書

劉靈字伯倫顏延之五君詠劉靈善閉關文中子劉靈古之閉關人也語林天生劉靈以酒爲名並作靈而唐太宗晉書本傳作伶故他書通用伶字○盧肇觀雙柘枝舞賦燕趙慙妍威嬙掩嫫按戰國策晉文公得南威三日不朝曰後代必有以色亡國者莊子毛嬙麗姬人之所美也或迺改威作嬪○裴度諸葛亮祠堂碑故州平心與元直神交謂亮與崔州平徐庶友善也庶字元直而文粹以故作荆○遜逃王敬從碑昔萬石君建陵侯皆以訥言敏行稱爲長者謂石奮衛綰也而或以建陵

侯作建慶○權德輿容州刺史戴叔倫誌西晉則有司農遂遂字安邱位至大司農處士逵之弟也而集以遂作逵○此類當以文苑爲正

人名二

其有訛舛當是正者○如楊諫大蜡賦嗤子夏之來觀夏當作貢禮記子貢觀于蜡曰一國之人皆若狂子曰賜非爾所知也○劉闢如石投水賦漢祖興兮昌言納劉侯輔兮皇威震劉當作畱文選命運論張良遭漢祖如以石投水王起鄒子吹律賦扣角于斯文斯當作師

列子鄭師文及秋而叩角草木發榮○錢起洞庭張樂賦炎民之頌民當作氏莊子黃帝張樂洞庭有焱氏爲之頌釋文焱本亦作炎○白行簡斬龍毀壁賦朱萍焉能施其述萍當作泮莊子朱泮漫學屠龍○陳章艾人賦類宋則之初來宋當作宗荆楚歲時記宗則五月五日採艾○陸龜蒙幽居賦探郅範之智囊郅疑作桓魏志曹爽傳桓範赴爽司馬宣王曰智囊往矣續○周存授衣賦趙將軍授新衣而不遣趙一作桓是晉車騎將軍桓冲儉素浴後妻送新衣冲令持去妻復送之曰衣

不經新何緣得故冲笑而服之○王胄白馬詩昆彌還謝力昆樂府作虓是左傳狄虓彌所謂有力如虎者也○包何秋苔詩卻笑無公賦臨危滑石閒無當作興孫興公天台賦踐莓苔之滑石○沈炯勸進梁元帝表楚人固執熏丹穴以求君藝文類聚同句梁書南史作越人是莊子越人三世弑其君王王子搜逃乎丹穴不肯出越人薰之以艾乘以王輿○梁湘東王薦顧協表孔愉表韓伯之才伯梁書作纘俱非當作績晉書隱逸韓績傳孔愉薦之徵以安車束帛○盧寄諫陳寶應書將

軍暨非張繡罪異盧諶陳書南史通鑑並作畢諶按魏志曹操爲兗州畢諶爲別駕張邈劫諶母弟妻子操謝遣之諶頓首無二心旣出遂亡歸及呂布破諶生得衆爲諶懼操曰夫人孝于親者豈不亦忠于君乎以爲魯相盧諶迺晉劉琨從事段匹磾別駕後往投段末波仕于石氏非有先叛後歸之罪也○薛元超諫皇太子牋晉明帝之在東宮中庶子溫嶠中舍人劉放按晉書明帝爲太子溫嶠爲中庶子阮放爲中舍人劉放迺魏明帝將與孫資並用事者非晉人也○隋檄陳尙書江總

文劉叔納譙周之計而獲存按蜀後主劉禪用譙周策降魏叔疑當作禪 ○張叔政 棄農判秦陽之蓋一

州陽當作楊漢貨殖傳秦楊以田農而甲一州○家僮視天判王霸之精才霸一作朔是李廣傳望氣王朔○李德裕豪論俠爰盜善劇孟匿季布季布按漢書當作季心○權德輿宏崇生策問人疑張祿詞假葛襲襲當從集作龔事見後漢文苑傳注張說洛州張司馬集序晉則三楊藻綴此用張氏事也晉張載字孟陽弟協字景陽亢字季陽並有才藻屬綴楊當作陽○李華楊騎

曹集序昔許衛尉與徐荐穆友善此言許善心之父與
徐陵也陵字孝穆荐當作孝續添○顧况廣異記序羸
姬暴市六日而蘇姬一作謀是事見左傳○又湯之問
旱以語怪旱一作華並非當作革見列子○權德輿送
安南裴中丞序王彥威之教化當從集作士威彥三國
志士燮字威彥爲交趾太守○楊炯恆州刺史王公碑
北臨洛汭尙想元亮之墳元亮當從集作元凱元凱杜
預字也其遺令兆城南觀伊洛○張說鄭國夫人碑周
官禮儀資稟宣父之學父當從集作文晉韋逞母宋氏

號宣文君傳周官音義○權德輿崔述誌辱安平戴公
之知于公獲南宮之眷戴公當從集作戴侯文選潘岳
懷舊賦余獲見于父友東武戴侯楊君始見知名遂申
之以昏姻謂東武伯楊肇以女妻岳戴其諡也述仲兄
安平公實德輿之妻父故有戴侯南宮之語○此類覽

者所宜詳也

○其有兩存或可疑者○如呂溫古東周

城銘魯昭公二十二年城成周晉女叔寬
曰天之所壞不可支也晉女叔寬集作衛彪後蓋叔寬
見左傳彪後見國語其事詞並同○羅隱辭令狐相公
啓上方于趙臺遭逢按後漢趙岐字臺卿爲曹操孔融
舉辟或是此人又疑作壹亦有羊陟袁逢稱薦事也

雙虎十一字止云自冀州刺史徽至公六葉非也○當
袞盧正己誌公字子寬本諱元裕以聲協上之尊稱優
詔改錫正己則元裕正己本一人也而世系表乃以爲
兄弟二人○李華慶王府司馬徐府君碑君諱堅字某
名與宗人同故以字稱此徐有功之子也而世系表與
本傳並作愉字堅○張說節愍太子妃楊氏誌高祖士
達天授中以孝明高后之父追封鄭王孝明高后謂武
后之妣楊氏也而集以高后爲高氏○韓愈董晉行狀
四子全道溪全素解集本或作全道全溪全素全解按

世系表及愈所作董溪墓誌溪解並無全字蓋全道全
素皆上所賜名也○此類當以文苑爲正

人名四

其有訛舛質于史傳當是正者○如新羅王德真織錦

作太平詩新羅王德真

新羅王卽金真平女也平死無
子女乃嗣立爲王

大破百濟之眾其弟子法敏以聞按唐書本傳王真平
死無子立女善德爲王善德死妹真德襲王攻破百濟
遣弟伊贊子春秋之子法敏入朝織錦爲頌以獻據此
則德真當作真德法敏乃真德弟伊贊子春秋之子也

○李嶠賀破契丹表逆賊孫萬榮按唐書聖證元年改契丹首領李盡忠為盡滅孫萬榮為萬斬陳子昂集中亦作萬斬令契丹已破賀表猶稱萬榮非續添○令狐楚為鄭儋謝河東節度使表本使李詵暫從薨逝詵一作悅按舊唐書李詵貞元十六年十月卒以鄭儋代之詵當作說又見韓文鄭儋碑○侯莫陳悅檄陳蕭摩訶文按悅以西魏永熙三年卒後隋伐陳乃以侯莫陳穎為行軍總管悅疑當作穎○盧思道北齊興亡論李昌地迺密親李昌按北史當作孝昭○沈約授蕭重休左僕射詔

征虜將軍吳興太守建安縣開國子蕭重休重休一作惠休是南史惠休封建安縣子徙吳興太守徵為右僕射詔詞作左僕射○權德輿自挹誌其先殷王戊丁之友集本同按世系表權氏武丁之裔孫戊丁之友疑當作武丁之支續添○此類覽者所宜詳也

人名五

其有與史集異同當並存者○如盧思道北齊興亡論僕射高正德北史本傳作高德政通鑑考異北史作德正今從北齊書作德政○朱敬則北齊高祖論趙魏之豪有高虔邕李元誠

盧文緯本傳作乾邕元忠以諱作誠文偉○蓋代之傑有薛

孤延本傳作孤延○庾信拓跋儉碑儉字慶明周書北

史竝云儉本名慶明碑云以公識度嚴明志節清儉遂

改公名儉字慶明則碑為是續添○父馘北史作或○

又宇文顯誌二史竝作顯和○司馬裔誌祖龍北史作

金龍○柳遐誌周書作霞○崔湜元希聲碑曾大父宏

大父恭皇考孝節世系表下云表省文以宏為琳之兄琳生

義恭義恭生孝節○張說馮君衡誌智幾智玳唐書作

智戴智或○蘇頲韋抗碑銀青光祿大夫太子詹事贈

秦州都督諡曰貞諱瑋表作琨○張九齡裴光庭碑大

父仁諡忠憲大王父定仁表作仁基諡忠定作定高時

明皇諱隆基故避基字而高字亦削去未詳父行儉諡

公第七子表以為長子○又李仁瞻誌趙郡太守諱鳳昇表作子

雲字鳳昇○李邕劉知柔碑祖朝散大夫陳留縣長元

邃表作隋留縣長務本○孫逖杜諮議義廉碑北齊膠

州刺史保之孫隋鴈門郡守伽之子表以保作伽伽作

保○四子次日惟志新舊唐書並作承志○李迴秀裴

希惇誌曾祖靜慮表作澄字靜慮○父之隱表以希惇

爲之爽之子之隱乃之爽之兄○蕭昕張九皋碑子十
一人曰樾權祝桿表作捷擢抗捍○韋述韋湊碑父諱
元福表作福字元福舊史止作元○穆員李抱貞誌曾
祖興表作永達○祖恪表作懷恪○蕭功曹誌曾祖憬
表作文憬又祖元祖表作元禮○常袞盧正己誌父貞
慶表作貞松○鄭餘慶賈耽碑考炎之表作元炎○牛
僧儒崔羣家廟碑懷州公諱朝字守忠表作懿忠○獨
孤及韋氏誌渭南縣主簿愨表同句集以愨作懿○著
作郎京偉儻之妹集作著作郎京兆從丞相此五字誤
疊寫次行

下韋儻之妹表作著作郎偉睦州刺史贊又殤子韋八
誌秘書省著

作郎京兆章之甥偉
集作韋儻亦誤○逍遙公生民部尚書建安公世

恭表作瓘字世恭○建安生上大將軍宋州刺史仁表

作仁祚仁祚乃仁基之子仁基乃世恭之弟○權德輿

王定碑隋司金邢孟洛相等七州刺史明進明進生同

州河西縣令喜集作隋司金上士洛相等七州刺史明

明生進進生同州河西縣令喜表作周司金上士明遠

生隋州都七職主簿壽壽生河西令詰○王光謙碑隋

揚州戶曹參軍東表作揚州司馬孝京○韓愈烏公先

學海類編
廟碑贈尚書諱承治字某新唐書作承玘字重潤有傳
○又如桂州破西原賊露布睦州武陽珠蘭金經黃橙
等一百餘洞大賊帥偽號中越王廖殿偽號桂南王莫
淳偽號拓南王相友偽號南越王莫尋偽號象郡王梁
秦偽號鎮南王羅成偽號戎成王莫濤偽號南海王羅
品等大賊帥武承裴敬簡二人面縛請罪按唐書西原
蠻傳推武承裴韋敬簡為主僭號中越王廖殿爲桂南
王莫淳爲拓南王相支爲南越王梁奉爲鎮南王羅成
爲戎成王莫濤爲南海王偽號旣顛錯而名亦閒有異

者○此類並注于本文之下

官爵一

凡官職封爵有與史集異不可輕改者○如駱賓王寄
東臺詳正學士詩按唐百官志儀鳳中置詳正學士而
集以正作政○劉禹錫贈澧州高大夫司馬霞寓詩按
霞寓本傳拜豐州刺史後貶歸州刺史不載澧州司馬
今詩云一誤雲中級南游湘水清則似澧州也○蘇頲
授尹思貞御史大夫制將作大匠按唐制隋煬帝改匠
爲監唐初復舊天寶中再爲監今思貞改命在開元初

猶爲大匠或迺以匠爲監○張說楊執一碑司徒觀王
雄之曾孫司徒集作司空按隋書觀王傳贈司徒○張
九齡李仁贍誌五代祖始豐懿公璨始豐集作始封按
世系表亦作始豐○權德輿王崇術碑一命臨武校尉
蘭州金城府別將金城府集作金城縣按唐地理志蘭
州有金城府又有五泉縣咸亨二年改名金城天寶元
年復舊又有廣武縣乾元二年改名金城今云別將則
府爲是○蘇頲命呂休璟等北伐制神山府折衝按唐
志神山府在晉州唐大詔令迺作神仙○莫門積石等

軍建康軍使唐志莫門軍在洮州建康軍在甘州唐會
要乃作英門建庫○此類當以文苑爲正

官爵二

其有訛舛當是正者○如魏謨拜相制判戶部事一作
兵部侍郎按新史謨本傳遷御史中丞兼戶部侍郎舊
史云判戶部事而制詞亦云貳于卿秩掌我地征末云
依前判戶部事並無兵部侍郎當作戶部侍郎判戶部
事○常袞謝妻封宏農郡夫人表其後雖有石窳延卿
之錫亦無夫人之號唐類表無延卿二字按陳畱風俗

傳封邱者高祖與項氏戰厄于延鄉有翟母者免其難故以延鄉爲封邱縣以封翟母則延卿當作延鄉○鄖國公韋孝寬檄陳文行軍總管柱國公士彥柱國公按梁士彥傳當作上柱國邠國公○王志愔應正論任延爲武建太守按後漢本傳武建當從舊史作武威○庾信齊王憲碑都督益甯壽等二十四州益甯壽當從周書本傳作益甯巴瀘○又贈太子少保豆盧公碑此豆盧永恩也當從本傳作贈少保碑中亦云贈少保○李嶠攀龍臺碑進封膺國公膺一作晉此武士護也當從

本傳作應國公○次兄士逸封六安郡公當從二唐書作安陸縣公唐志安州安陸郡安陸縣無六安縣續添○張說馮昭泰碑起家左奉格當從集作奉裕唐志唐置兵曹改司使左右復曰千牛備身龍朔二年改千牛備身曰奉裕○楊炯任晃誌淮陽從事術數知名此用任氏事也當從集作益州從事後漢方術傳注任文公巴郡人爲州從事以占術馳名○白居易元稹墓誌六代祖巖封武平集作昌平當從文粹作平昌見隋書本傳及唐世系表○此類覽者所宜詳也

官爵三

其或有疑當兩存者○如崔湜赴襄陽詩題云授江州司馬尋拜襄州刺史檢湜傳同今詩迺云始佐廬陵郡尋牧襄陽城○李華衢州刺史廳壁記武威公李僕射傑武威一作武陵案二唐書傑傳並云武威縣子○常袞謝贈官表臣亡祖故慶王文學楚珪世系表作雍王文學○李邕謝慰諭表貶臣爲常州司戶本傳作富州司戶○洛州司戶崔日知日知傳作洛州司馬○沈約封左興盛制輔國將軍參軍事左興盛直閣將軍劉山

陽齊書作前軍司馬左興盛輔國將軍劉山陽○又封李居士等制潮陽縣開國男胡松齊書作沙陽縣○又封授臨川等五王詔北中郎將南徐州刺史秀安北將軍偉安西將軍愔梁書作輔國將軍秀冠軍將軍偉平西將軍愔○庾信周大將軍崔說碑祖辨中軍將軍魏書北史並作安南將軍○父楷鎮北將軍司空魏周二書及北史並作驃騎大將軍開府儀同三司○又爾縣永卽段永碑斬西城中主北史本傳作西中郎將○蒙賞平昌縣開國子傳作昌平縣○豆盧公碑改封龍支

侯龍支枹罕羣屬縣也周書作龍來○蕭太誌即蕭泰

相諱作太轉太子中書舍人周書作太子中舍人南史作中

書舍人疑立歷○楊炯宇文珽碑曾祖顯和後魏將軍

集作冠軍北史本傳作冠軍將軍碑與集疑省文○崔湜元希

聲碑郎國公武攸望唐書攸望封葉國公攸宜封息國

公○穆員李抱真誌高祖修仁啓封申國公世系表作

郎國公○路巖渾侃碑迴貴拜豹韜大將軍元慶右玉

鈐將軍靈邱伯太壽太子僕表作迴貴豹韜大將軍靈

邱伯元慶鎮國大將軍太壽太僕丞○楊炯崔獻行狀

祖宏壽隋獲嘉縣開國侯父萬善皇朝左監門將軍持

節隆州諸軍事守隆州刺史表作宏壽左監門將軍獲

嘉男萬善閬州刺史○顧況韓滉行狀父休太子少師

贈司空權德輿韓河行狀父休太子少保贈司徒二唐

書作太子少師贈太子太師○又如楊炯後周青州刺

史齊貞公宇文彪碑內云華州刺史封青州齊國公而

題云青州刺史○柳冕青帥乞朝覲表內有瘡癘之語

唐書冕傳為福建觀察使而題云青帥續接○凡此者

皆未詳也

學海類編

文苑英華辨證三

十

考索

宗望中南山詩或疑此詩編在終南山門中當作終然
詩秦風終南注終南山卽周之中南山也潘岳關中記
云終南一名中南言在天之中居都之南故曰中南○
李商隱爲濮陽公陳情表貪泉澧水按漢武帝紀下澧
水澧水出澧陽縣今屬英州改作眞陽而集本以澧作
須○庾信宇文常碑羅州刺史又鄭常誌卽宇文常也
宇文蓋賜姓
遷州刺史按隋地理志西魏時于竹山縣置羅州宇文
後周于房陵郡置遷州隋并號房州碑誌蓋互言也○
又如隨隋二字通鑑初書楊忠爲隨公楊堅爲隨王文

帝方省文爲隋○牂牁郡漢書雖作牂柯而後漢隋書
文選竝作牂牁皆船杙也集韻通用唐人多用此二字
亦或從牛○此類當以文苑爲正

郡縣二

其有訛舛當是正者○如土風賦堯作平陽一作成陽
詳此賦序云睢陽古之大郡賦內又云豈若睢渙城臨
氏房肯者舜漁雷澤堯作成陽天乙都亳沛公潛梁皆
言末地也前漢地理志昔堯作游成陽舜漁雷澤成陽
在定陶有堯冢迺宋地堯都平陽在河東郡爲晉地據

此當作成陽○楊炯庭菊賦豔鄉貴族豔或作邕詳此
賦序云庶子裴公左庶子薛公賦內又云豔鄉貴族薛
縣名家乃指裴與薛也豔當作豔步回反河東聞喜縣
有豔鄉訛作邕耳○張說諫則天幸三陽宮表郟城編
小集本同舊史作告成按唐志河南府陽城縣萬歲登
封元年將封嵩山改告成神龍元年復故名二年復爲
告成登封縣本嵩陽貞觀中省入陽城有三陽宮據此
當作告成○柳宗元唐貞符解滌訟于北集粹唐書並
作濮鉛按爾雅東至于泰遠西至于邠國南至于濮鉛

北至于祝栗據此則當作濮鉛○庾信周崔說碑天和
中三州北史作能和忠三州當從周書作熊和中三州
按隋志後周時宜陽曰熊州陸渾曰和州新安置中州
皆在河南郡○又贈鄜延丹綏恆五州刺史北史作鄜
鄜恐是延等五州當從周書作敷延丹綏長五州按隋志

上郡西魏爲敷州大業二年改爲鄜城郡內郡縣舊置
敷州大業初州廢宏化郡歸德縣西魏置桓州後周廢
北地郡三水縣西魏置桓州尋廢朔方郡長澤縣後魏
置長州大業三年州廢綏州在雕陰郡延州在延安郡

丹州在延安郡之義川縣並西魏置至隋或改或廢則是後周末始有鄜恆一州也○周兗州刺史宇文常碑鄆督南兗州諸軍事南兗州刺史題止云兗州當作南兗州在譙郡兗州迺魯郡也○鄭常誌都督東徐州諸軍事徐州刺史徐州當作東徐州在下邳郡徐州乃彭城郡也○吳明徹誌兗州人兗州當作南兗州在江都郡又非譙郡之南兗州梁置南兗州後齊改爲東廣州陳復曰南兗有六合縣舊置秦郡南史明徹秦郡人也卽此郡○鄭熏仇士良碑士良宏農興甯人也按唐書士良傳循

州興甯人循州迺海豐郡洪農當作海豐○此類覽者所宜詳也

郡縣三

其或有疑當兩存者○如鄭璘授李繼密山南西道節度使制旣云華陽奧壤黑水上游提封遠振于山川列郡豈惟于千里又云可權知河陽節度題云山南制迺河陽其詞又有華陽黑水山川之句河陽在孟州漢川洋川通川在山南西道或以爲三川皆所未詳○賢良第五道策問化被柱州創基刑馬刑馬一作熊耳吳師

道對策云天皇首出瞰柱州而宅土地皇革命俯刑馬
以開都俯刑馬一作符熊耳按遁甲開山圖天皇在柱
州崑崙山下地皇興于熊耳山又榮氏曰人皇生于刑
馬山對策既指地皇故並存之○李華衢州刺史壁記
婺州分置衢州領六縣近歲析玉山全邑泊須江南鄉
益信州按唐志衢州六縣析玉山常山兩縣置信州止
四縣今但云玉山疑脫常山二字又疑須江南鄉或爲
常山地當考續添○白居易溧水令白府君誌歷泗州
虹縣令泗集作宿按唐志元和四年始析泗州之虹置

宿州太和三年廢七年復置時白府君卒于太和八年
未審何時歷虹令也續添○楊炯王義童碑縣州萬安
縣令縣一作錦按唐誌錦州常豐縣縣州羅江縣並初
名萬安至天寶元年並改今名○蘇頲褚無量碑十一
代祖盛後漢海鹽長子孫因居遂爲吳郡海鹽人二唐
書作杭州鹽官人碑又云五代祖陽嗣錢塘侯又云歸
祔于錢塘臨平山之舊域則似爲杭人也碑云海鹽豈
本其舊而言之乎○此類並注存或一作

年月一

凡年月與他本異不可輕改者○如歐陽詹賦迴鸞癸亥之歲作幸于西詳上文云承八聖之重光則德宗也德宗建中四年歲在癸亥有奉天之幸而一本迺作癸丑癸丑爲代宗大歷八年無西幸事且非承八聖也○張仁直賀中宗登極表今月一日牒至皇帝去月二十五日光臨寶極按二唐書神龍元年正月丙午即二十五日中宗卽位時仁直在洛州所上表作去月爲是而唐類表迺作五月失之遠矣○劉子元昭成皇太后冊文開元四年秋八月甲辰朔考通鑑目錄八月爲是而唐大

詔令迺作七月○權德輿奏孝子劉敦儒狀貞元二十年畱守韋夏卿奏聞臣至洛都今又十年考唐書德輿以元和八年罷相後爲東都畱守自貞元二十年至元和八年恰十年而集本乃作貞元二年○呂才五行祿命葬書論春秋魯桓公六年九月又云建申之月周以子爲建正九月卽七月建申也而二唐書改作七月蓋從夏正則非春秋本文矣○元稹白氏長慶集叙長慶四年樂天手自排纘成五十卷子以爲皇帝明年當改元長慶訖于是集作明年秋當改元按長慶四年穆宗

崩敬宗即位明年改元卽正月也按制詔內寶歷赦書
長慶五年正月七日改寶歷元年安得謂之秋乎○此
類當以文苑爲正

年月二

其或訛舛當是正者○如呂溫由鹿賦貞元丁卯歲集
作己卯按丁卯乃貞元三年己卯則貞元十五年溫以
貞元不擢第則己卯爲是○新羅王德真本傳作
真德織錦
作太平詩永徽五年德真大破百濟之眾本傳武德四
年新羅王其平遣使考入朝貞觀五年死無子立女善

德爲王二十一年善德死妹真德立永徽元年攻百濟
破之織錦爲頌以獻五年死據此則永徽五年當作元
年○沈炯勸進梁元帝表眾軍以今月戊午總集建康
攷其日月當從梁書作戊子○陳貞節明堂議光武中
興元年立于國城之南攷漢本紀當從唐會要作中元
元年○張九齡東封赦書唐元□六年六月二十六日
立功官人按唐書唐隆元年六月二十日元宗定內亂
睿宗改元景雲今避元宗諱隆云唐元是矣復云六年
六月則非○舒元輿御史臺新造中書院記謹按高祖

大皇帝作大明宮將二百年矣當從文粹作高宗天皇大帝按會要高宗龍朔二年修大明宮改名蓬萊是年壬戌至太和四年庚戌元輿作記時已二百二十九年歲次乙巳十二月己巳朔二十六日甲午文粹作十一月二日會要作十二月二十六日大詔令作十一月己巳朔二十六日甲午二唐書通鑑竝作十一月壬寅按通鑑目錄是年十一月丁丑朔壬寅卽二十六日則諸本誤矣○常袞貞懿皇后哀冊文大歷十年歲次辛

卯十月辛酉朔七日丁卯貴妃獨孤氏薨十三年六月十七日癸酉冊命以其月二十五日丁酉遷坐于莊陵七日丁卯舊史本傳及文粹竝作六日景寅又云十三年十月癸酉其月二十五日丁酉以月日攷之十月癸酉爲是大詔令作六月十七日癸酉又云其年十月癸酉朔則失之遠矣○獨孤及獨孤公靈表至德二年歲次癸酉又云明年歲在甲戌集本並同考通鑑目錄當作歲次丁酉明年歲在戊戌○陳子昂陳旻誌是歲龍集癸巳有周天授三年集作二年按唐書天授三年四

月改元長壽是歲壬辰長壽二年迺是癸巳則癸巳非
天授二年三年○張說為人祭弟文景龍二年歲次庚
戌正月癸丑朔五日丁巳集作景龍三年按通鑑目錄
景龍四年歲在庚戌七月改元景雲則庚戌非景龍二
年三年○又庚戌年正月壬子朔亦非癸丑也○白居
易祭崔常侍文太和九年歲次乙卯二月景子朔七日
壬申集作丙午朔七日壬子按通鑑目錄當作景子朔
七日壬午○杜牧黃州祭百神文月維孟夏日維辛巳
集本同詳上文云四月大赦六月甲子朔十八日辛巳

準赦得祭百神則孟夏當作季夏續添○溫彥博突厥
議貞觀十三年頡利初敗來降者眾當從唐書通鑑貞
觀政要作貞觀四年○此類覽者所宜詳也又如李邕泗州普光
王寺碑僧伽和尚景龍四年三月二日端坐棄代景德
傳燈錄作景龍三年三月三日○顧況廣陵大雲寺碑
周紀昭王二十四年甲寅聖人生于西方穆王三十三
年壬申聖人滅于西方傳燈錄作穆王五十二年壬申
以張氏經世紀年改之則甲寅壬申並作壬子未審孰是

文苑英華辨證卷之四

文苑英華辨證卷之五

宋 廬陵彭叔夏 著

年月三

其有他本元誤文苑因而襲之者○如杜佑省官議晉太元六年省七百餘員按晉武帝以乙酉歲受魏禪年號太始凡十年至乙未歲改元咸甯又至庚子改元太康元年始滅吳而荀勗傳所載議省州半吏在咸甯之後通鑑亦書于咸甯之五年今通典作晉太元六年且有吳國尚在之語所謂太元迺東晉孝武年號非晉初

之武帝佑不應爾疑雕印時誤指太始為太元且又不
 及咸甯而新唐書作佑傳本傳亦襲其誤耳○鄭熏移
 顏魯公詩記魯公由刑部尚書貶夷陵郡別駕大歷六
 年又以前秩轉廬陵郡道出宣州之溧水縣經古烈士
 左伯桃墓下作詩一首洎大中丁丑歲八十七年矣按
 魯公以永泰三年丙午二月貶峽州別駕旬餘改吉州
 司馬六月次江州之廬山有東西林題名必以秋至吉
 是年十一月改元大歷故次年丁未十月公遊青原寺
 題名便稱大歷二年又明年戊申五月移撫州刺史己

酉庚戌皆在官六年辛亥閏三月代到而四月書麻姑
 壇記猶以撫州繫銜今于文集及石刻攷之是歲八月
 次上元縣乃自撫歸京時也上元與溧水實為鄰邑今
 皆隸昇州嘗時溧水則隸宣城公題詩烈士墓在六年
 或是此時與記合然謂公由刑部尚書貶夷陵大歷六
 年又以前秩轉廬陵郡道出溧水縣唐人不應誤謬如
 此

年月四

具有與史全異所當考者○如劉洎論太子初立請尊

賢學表

一作請太子尊賢重道書

竊以良娣之選偏于中國仰惟

聖旨本求內助防微慎遠之慮固非羣下所測暨乎徵簡人物則與聘納相違監撫二周未延一士愚謂內既如彼外亦宜然者恐招物議將謂陛下重內而輕外也此段貞觀政要唐會要新舊唐書通鑑竝無惟有文苑之會要云武德九年立中山王承乾為太子貞觀十三年黃門侍郎劉洎上疏云云上遂勅洎令與岑文本馬周遞日往東宮與太子談論政要云貞觀十八年大帝初立為皇太子尚未尊賢重道太宗又嘗令太子居寢

殿之側絕不往東宮散騎常侍劉洎上書云云太宗迺令洎與岑文本馬周遞日往東宮與太子談論按太子承乾以貞觀十七年廢遂立晉王為太子二唐書通鑑皆載洎書于立晉王為太子之後今云監撫二周則與政要所書貞觀十八年相近而會要所載武德九年及至貞觀十三年則相遠矣若以貞觀九年高祖崩太子監國至十三年亦與二周相遠又洎書云古之太子問安而退異宮而處今太子一侍天闈動移旬朔此以諫太子居寢殿之側也新史高宗紀云太宗嘗命太子遊觀習射太子辭以非所好願

得奉至尊居膝下太宗大喜迺營寢殿側爲別院使太子居之則與政要合會要以爲承乾恐非○于邵爲楊炎請冊皇太子第二表高祖義甯二年五月卽位六月立建成爲皇太子太宗武德九年八月卽位十月立中山王爲皇太子高宗貞觀二十三年六月卽位七月立陳王爲皇太子按二唐書及會要高宗永徽三年七月立陳王忠爲皇太子非貞觀二十三年也然詳此表上下文意皆謂祖宗卽位之年便立太子故云六月卽位七月立皇太子于邵爲楊炎作表云高宗未遠不應與

唐書會要牴牾如此

名氏一

凡撰人名氏或有以甲爲乙當以文苑爲正者○如杜誦哭長孫侍御詩今載杜甫集中按中興閒氣集又元集唐宋類詩皆云杜誦高仲武當唐中興肅宗時編閒氣集載誦詩止此一首又云杜君詩平調不失如流水生涯盡浮雲世事空得生人始終之理故編之必不誤近下園注杜詩亦載此篇雖云或以爲杜誦作然不明辨也○林逢請聽政表七首第三表載柳宗元集作第

二表晏元獻公云柳集第二表據文苑迺林逢第三表而柳集又自別有第二表第四表亦載柳集作第三表詳表文云兩河之寇盜雖除柳集作難除非百姓之瘡痍未合又云成先帝之大功繼中興之盛業乃穆宗敬宗時事宗元當憲宗元和十四年已卒此二表柳集誤收何疑○李吉甫郴州刺史謝上表亦載柳集以郴作柳按新史吉甫傳改郴移饒舊史乃以郴作柳是致柳集誤收况宗元自有柳州謝表其題作謝除去奉三月十三日制六月二十七日上訖今此表題作謝上又云今月二

日上訖攷其月日文理皆非宗元事其為吉甫何疑○羅衮後二銘其一櫛銘人有髮旦旦思理有心焉有身焉胡不如是文粹以此為盧仝作云人之有髮兮旦旦思理有身兮有心兮胡不如是攷玉川集梳銘云有髮兮朝朝思理有身兮胡不如是詞雖小異然為櫛銘一也今詳文苑所載衮二銘枕銘杖銘并序復載後二銘櫛銘門銘并序其序云前惟王者之義無所不正或得賢以反國既作枕杖二銘以風復念時人歉于自修卒違善及禍或移滿不能長嗣因亦銘諸櫛銘諸門以勸

學海類編 卷之五
以序觀之則四銘皆袁所作甚明文粹既載袁前二銘
迺以盧仝門銘列于袁所作枕杖二銘之前又以仝櫛
銘列于枕杖二銘之後已自可疑或者玉川亦有此作
其詞偶同乎近世眉山成午編唐三百家名賢文粹亦
與姚鉉同殆未見文苑故邪

名氏二

其有舛誤當是正者○如梁武帝白紵歌二首其一朱
絲玉筯羅象筵飛管促節舞少年短歌流目未肯前含
笑一轉私自憐其二朱光灼爍照佳人含情送意遙相

親嫣然宛轉亂心神非子之故欲誰因二篇文苑共作
一首而郭氏茂倩樂府析而爲二其二題作沈約夏白
紵歌又自別有武帝一首纖腰嫋嫋不任衣嬌怨獨立
特爲誰赴曲君前未忍歸上聲急調中心飛○唐太宗
遼東山夜臨秋詩秋風何凜冽白露爲朝霜柔條朝夕
勁綠葉日夜黃明月出雲崖皎皎流素光披衣臨前庭
嗷嗷晨雁翔按文選及初學記並作晉左思雜詩而初
學記自別有太宗遼東山夜臨秋詩烟生遙岸隱月落
半崖陰連山驚鳥亂隔岫斷猿吟○蘇味道正月十五

夜詩二首其一火樹銀花合星橋鐵鎖開暗塵隨馬去
明月逐人來遊妓皆穠李行歌盡落梅金吾不惜夜玉
漏莫相催其二玉漏銅壺且莫催鐵關金鎖徹明開誰
家見月能閒坐何處聞燈不看來按藝文類聚初學記
歲時雜詠並以第二篇爲崔液夜遊詩以上三詩類聚
初學記樂府所載與前詩相聯恐當時誤編耳○高適
行路難二首其一君不見門前柳榮耀暫時蕭索久君
不見路上花狂風吹去落誰家誰家思婦見之嘆蓬頭
不梳心歷亂盛年夫婿長別離歲暮相逢色凋換其二

君不見富家翁舊時貧賤誰比數一朝金多結豪貴百
事勝人健如虎子孫成長滿眼前妻能管絃妾能舞自
矜一身或如此卻笑傍人獨愁苦東鄰年少安所如席
門窮巷出無車有才不肯學干謁何用年年空讀書郭
氏樂府以前篇爲賀蘭進明作以後篇爲適第一篇而
適自別有第二篇長安少年不少錢能騎駿馬鳴金鞭
五侯相逢大道邊美人絃管爭雷連千金如斗不敢惜
片言如玉莫棄捐安知顛顛讀書者暮宿靈臺私自憐
適集與樂府同則前篇爲進明作明矣○劉長卿宥子

怨詩垂柳覆金堤
薜蘿葉正齊
水溢芙蓉沼
花飛桃李蹊
採桑秦氏女
織錦竇家妻
關山別宕子
風月守空闈
恆斂千金笑
長垂雙玉啼
盤龍隨鏡隱
彩鳳逐帷低
飛魂同夜鵲
倦寢憶晨鷄
暗牖懸蛛網
空梁落燕泥
前年過代北
今歲往遼西
一去無消息
那能惜馬蹄
此篇長卿集不載
而郭氏樂府及洪氏容齋續筆並以為薛道衡昔昔鹽按隋書通鑑隋煬帝誅道衡曰更能作空梁落燕泥否趙嘏有廣道衡詩二十首每一句作一篇即用前詩句也文苑殆因韋縠編唐才調集作劉長卿而

誤邪洪氏云元怪錄載蘧蔭三娘工唱阿鵲鹽又有突厥鹽黃帝鹽白鴿鹽神雀鹽疏勒鹽滿座鹽歸國鹽唐詩媚賴吳娘唱是鹽更奏新聲刮骨鹽歌詩謂之鹽者如吟行曲引之類今南嶽廟樂曲有黃帝鹽而俗傳以為黃帝炎長沙志從而書之蓋不考也續○韋元甫木蘭歌按劉氏次莊郭氏樂府並云古詞無姓名郭氏又曰古今樂錄云木蘭不知名浙江西道觀察使兼御史中丞韋元甫續附入則非元甫作也○司空圖馮燕歌按麗情集乃沈亞之作其歌云為感詞人沈下賢長歌

更與分明說下賢亞之字也嘗作馮燕傳併作此歌而
 司空圖集無之則非圖作也○賈島卻赴南巴畱別蘇
 臺知己詩載劉長卿集中長卿嘗貶南巴尉而島集無
 之則非島作也○又如為文武百官請復尊號六表載
 柳宗元集中而唐類表作崔元翰文苑總目作類表而
 本卷乃作常袞按唐德宗興元元年幸奉天削去徽號
 貞元五年六年百官請復舊即此六表是也舊史載貞元五年六年百官請復徽號正指此事是時崔元翰為禮部員外郎歷知制誥
 唐書稱其詔令溫雅則類表云元翰作是矣况又總目

明言取之類表乎本卷乃誤作常袞袞于建中初卒至

是已十年矣又柳文收此表或入正集或入外集按宗

元年譜貞元五年方十七歲時其父以事忤宰相竇參被貶八年始貢

京師其誤可知○賀赦表六首類表以為李吉甫作而

文苑以為李邕按邕天寶初卒而此六表迺在代宗德

宗憲宗時况文苑于五百五十九卷有重出一表題云

李吉甫乎又第二表末云謹遣當州軍事衙前虞候王

國清奉表陳賀以聞正與吉甫郴州謝上表末語同則

非邕作也並續○中書門下賀赦表類表以為令狐楚

作而文苑以為獨孤及按此表載憲宗尊號乃元和中也及以代宗大歷十二年卒決非及所作明矣及集無此○乞朝覲表類表以為柳冕作而文苑以為李俛按唐書柳冕傳亦載此表決非俛所作也○讓吏部侍郎表見唐書邵悅本傳而文苑作張說亦非也○奏邕管黃家賦事宜狀載柳宗元集云代裴中丞作按元和十一年裴行立為桂帥請發兵誅黃少卿時宗元在柳州代裴中丞論黃賊事表狀牒凡六篇內一首即此狀也文苑迺以為令孤楚作楚時為中書舍人恐非○石橋銘二

首竝載張說集乃元宗同玉真公主過大哥山池作而說奉和文苑迺以為張說作首篇當作元宗次篇當云張說奉和○顧况棄婦詞古來有棄婦棄婦有歸處高適見人臂蒼鷹詩寒冬十二用蒼鷹八九毛今竝載

李白集

棄婦詞比顧又詳蒼鷹題作觀放白鷹恐非文苑所作咏鷹

文苑英華辨證卷之五

文苑英華辨證卷之六

宋 廬陵彭叔夏 著

名氏三

其有可疑及當兩存者○如暢當軍中醉飲寄沈八劉
叟詩酒渴受江清餘酣漱晚汀○司空曙杜鵑詩古時
村字稱望帝魂作杜鵑何微細今並載杜甫集○昇天
行二首藝文類聚郭氏樂府並作曹植而文苑以為劉
孝威○愛妾換馬見張祜集樂府亦作張祜而文苑以
為陳標省試時見唐宗類詩者名氏見異同○孔熙先為彭城王檄征鎮

學海類編
文宋書范曄傳以爲熙先令弟休先作○杜弼爲東魏
檄梁文通鑑同類聚以爲魏收作○周書皇后傳論八
柱國論文苑題作魏徵而周書迺令狐德棻撰○陳雷
郡文宣王廟碑文苑總目旣題作獨孤及而兩卷重出
八百十四卷八
百四十六卷
並作陳兼按此篇載獨孤及集中梁肅
作集後叙云述聖德以揚儒風則陳雷郡文宣王廟碑
肅出及門必不誤書然碑末迺云命客卿前封邱縣丞
泗上陳兼志之豈及命兼代作或及自作以兼爲名乎
○又文武百僚謝示開府魚朝恩以所造周易鏡圖表

田神玉謝端午物表二篇並以爲張說作按朝恩迺代
宗時神王大歷中爲節度使張說於開元十八年已卒

疑當邵說

文苑多以有邵說爲張說者

○爲李懷光讓起復表二首

題作獨孤及按及神道碑以大歷十二年以母憂去職
明年方起復而舊史載懷光大歷十二年四月二十九
日卒決非及所作而集本亦無之疑文苑所編誤蒙前
表名氏前表爲李給事讓起復七首乃獨孤及也○元稹論裴延齡表二首
按表論延齡譖陸贄事又云職忝諫司然贄以貞元十
年貶稹于元和元年除拾遺相去十一年而稹集亦無

學海類編
之○白居易諫不用姦臣表按表言元稹尚居台司裴度爲東都畱守事又云職當諫列然元白交分始終不替方元傾裴時白亦不在諫列而本集亦無之○梁貞陽侯與王太尉僧辯書及爲僧辯答貞陽侯書三首並題徐陵作按陳書徐陵傳齊送貞陽侯蕭淵明爲梁嗣遣陵隨還僧辯不納淵明復往復致書皆陵詞今僧辯答書又曰陵作恐非也○此類覽者所宜詳也

題目一

凡題目有訛舛當是正者○如張說三月三日承恩讌

樂遊園詩三日集作二十日其詩云旬宴美成功則非三日矣今迺題作三日編入上巳門○李白秋夜獨坐懷古集作懷故山詩意甚明今迺題作懷古編入懷古門○李益宮苑花集作宮怨詩云露溼晴花春殿香月明歌吹在昭陽似將海水添宮漏共滴長門一夜長今迺題作宮苑花編入雜花門○顏師古太宗廟樂舞名議貞觀十四年六月一日詔曰殷薦祖考以崇功德比雖加以誠潔而廟樂未稱宜令所司制定奏聞于是師古立議與後篇許敬宗定宗廟樂議實一事也豈有貞

觀中而預議太宗廟樂舞名乎當題作定宗廟樂舞名
議○蘇頲唐中宗諡議冊文唐大詔令文粹並作諡冊
文或謂此篇有臣等上議之語而首末迺類諡冊故題
目兼云諡議冊文殆一時變禮然諡議冊諡文苑自分
兩門此爲可疑耳○柳宗元左常侍柳渾諡議按宗元
迺渾姪孫作渾行狀行狀載九百七十七卷仍作此上考功狀下
太常博士裴寬因諡曰貞本集並載其事而寬議不錄
今迺編在諡議中

題目二

又有題目是而文則非者○如杜甫病馬詩二首其一
致此自僻遠乃蕃劍詩其二棄汝亦已久則病馬詩也
○李嘉祐奉陪韋潤州游鶴林寺詩二首其一沴氣清
金虎乃潤州楊別駕宅送蔣侍御收兵歸揚州詩已入
二百七十一卷送行門中其二野寺江城近則游鶴林
寺詩也○吳均雪詩雪逐春風來過集巫山野瀾漫雖
可愛翻揚詎堪把問君何所思思昔同心者坐須風雪
霽相期落城下此篇與類聚同而一百五十六卷重出
迺作雲詩以雪逐爲雲逐風雪爲風雲誤矣按類聚自

有尖均雲詩二首其一飄飄上碧虛藹藹隱青林芬氤
如有意縈鬱詎無心其二白雲蒼梧來過拂章華臺逢
河散復卷經風合且開○張籍送邊使安西將各是一
詩二百九十七卷既有送邊使詩而三百卷安西將又
以送邊使詩充之○溫庭筠重題端正樹望苑驛各是
一詩二百九十八卷既有望苑驛詩而三百二十六卷
重樹端正樹又以望苑驛詩充之今各用集本釐正○
馬周請崇節儉及制諸王流迺是初除監察御史論奉
親宗廟襲封樂工等疏○杜佑尚書官議乃是僕射議

今以新舊史增入馬周疏以通典增入杜佑議

門類

凡門類混淆當是正者○如梁簡文帝琴臺詩周明帝

過舊宮詩並在應制門二詩既非應制又無和篇凡應制者

或首列一篇餘奉和况琴臺詩又已編入三百十三卷臺門乎○

崔國輔長信宮一首王昌齡二首元在長門怨中長門

迺陳后長信迺班婕妤今移入長信宮門○費昶發白

馬詩元在樂府白馬類按白馬迺津名故加發字與前

白馬不同今移附于末○李尚書讓兼左僕射張說讓

中書侍郎嚴大夫武謝黃門侍郎三表皆在宰相門按唐僕射雖為尙書省長官號為宰相而李尙書迺在外

檢校官制書云除臣檢校某官說以睿宗即位為中書侍郎景雲

二年方同平章事則中書侍郎未便為宰相門下侍郎

黃門東臺鸞臺同掌貳侍中之職帶平章事者為宰相如褚遂

良崔日用皆為黃門侍郎或參綜朝政或參知機務迺

宰相之任今嚴武為黃門侍郎初未嘗為宰相也○蘇

安恆請復子正位疏又請則天復位疏並是請武后復

政太子第一篇內因及封諸孫事遂立為封建門誤矣

當改為復辟第一篇又重出○皇甫湜顧況集序集作

顧況詩集序文苑元分文集序詩集序今編入文集門

當在詩集中○柳宗元送徐從事北遊序此非遊宴也

迺編入遊宴門當在送別中與七百三十二卷送辛殆庶遊南鄭序一類○

又墓誌有宰相門職官門太子少師崔公宰相崔圓之

父終河東判官贈太子少師迺入宰相門○相國李抱

真宰相周墀迺入職官門○獨孤及殤子韋八誌男子

也迺入婦人門○李商隱重祭外舅司徒公文親族也

迺入交舊門○文章門而有非文章者呂溫代辛將軍

學海類編 文苑英華辨證六 考索

與普閏劉尚書代呂侍郎與徐州張尚書二書是也○
邊防門而有非邊防者王勃與契苾將軍駱賓王與程
將軍二書是也○遷譴門而有非遷譴者韓愈上李實
尚書白居易上陳給事杜牧劉蛻投知己薛逢上崔鹽
鐵等書是也

脫文一

凡有脫文見于他本者○如梁簡文帝初秋詩羽髮晨
猶動珠汗晝恆揮秋風忽嫋嫋向夕引涼歸卷幌通河
色開窗望月輝晚花欄下照疏螢簾上飛直置猶如此

何況送將歸浮陰卽染浪清氣始乘衣文苑與初學記
無末二句而類聚有之集本又以此二句在輝字韻上
恐是○劉孝綽對雪詠懷詩桂華殊皎皎柳絮亦霏霏
詎比咸池曲飄颻十里飛恥均班女扇羞儷曹人衣浮
光亂粉壁積照朗彤闈鵲鴿搖羽至鸚鵡拂翅飛相彼
猶自得嗟予獨有違終朝守玉署方夜勞石扉未能奉
緗綺何由辨國闈坐銷風露質遊聯珠璧暉偶懷笨車
是良知高蓋非寄言謝端木無爲陳巧機文苑與初學
記止有前八句而集本題作校書祕書省對雪詠懷有

全篇如上○何遜早朝詩詰旦鐘聲罷隱隱禁門通遽

車響北闕鄭履入南宮宿霧開馳道初日照相風胥徒

紛絡驛騶御或西東暫喧耳目外還保性靈中方厭一作

驗遊朝市此說不為空文苑與類聚止有前八句而集

本題作早朝車中聽望有全篇如上○蕭子顯日出東

南隅王褒燕歌行類聚與文苑並略而郭氏樂府有全

篇日出東南隅日大明上迢迢陽城射凌霄光照窗中

婦絕世同阿嬌明鏡盤龍刻簪羽鳳凰雕文苑類聚並無此二句

透迤梁家髻嫋娜楚宮腰輕紈雜重錦薄縠閒飛綃三

六前年暮四五今年朝無此四句蠶園招芳繭桑陌採柔條

出入東城裏上下洛西橋無此二句路逢車馬客飛蓋動檐

輶單衣鼠毛織寶劍羊角銷大夫疲應對御者輟銜鑣

柱閒徒脈脈垣上幾翹翹無此二句女本兩家宿君自上宮

要漢馬三萬匹夫婿仁嫋姚顰囊虎頭綬左珥鳧盧貂

橫吹龍鍾管奏鼓象牙簫無此四句十五張內侍十八賈登

朝皆笑顏郎老盡訝董公超無此二句○燕歌行曰初春麗

景鶯欲嬌桃花流水遶河橋薔薇花開百重葉楊柳覆

地數千條隴西將軍號都護樓蘭校尉稱嫋姚無此二句自

從昔別春鷺分經年一去不相聞無復漢地長安月唯

有漠北薊城雲淮南鏡一作桂中明月影流黃機上織成

文充國軍行一作行軍屢築營陽史討虜陷平城城下風多

能卻陣沙中雪淺詎停兵無此六句屬國小婦猶年少羽林

輕騎數征行遙聞陌頭採桑曲猶勝胡笳邊地聲笳聲

向暮使人泣還使一作長望閨中空佇立桃花落地杏花舒

桐生井底寒葉疏上句一作桃抽試為來看上林鴈應

一作必有遙寄隴頭書○沈約酌謝宣城詩王喬飛是舄

東方金馬門云云共十韻見文選而文苑止從類聚載

上七韻無下三韻蓋類聚初學記竝是節文而文苑止

以二書編之耳○顧況短歌行文粹作悲歌三首邊城路今

人犁田昔人墓岸上沙昔時江水今人家今人昔人共

長歎四氣相催節迴換明月皎皎入華池白雲離離度

青漢以上文苑無我欲昇天天隔霄我欲渡水水無橋我欲

上山山路險我欲汲井井泉遙越人翠被今何夕獨立

沙邊江草碧紫鷺西飛欲寄書白雲何處逢來客其一新

繫青絲百尺繩心在君家轆轤上我心皎潔君不知轆

轤一轉一惆悵何處春風吹曉幕江南淥水通朱閣美

人二八顏如花泣向春風畏花落臨春風聽春鳥別時
多見時少愁人一夜不得眠瑤井玉繩相對曉其二文苑無此

四句軒轅黃帝初得仙鼎湖一去三千年周流三十六洞

天洞中日月星辰聯騎龍駕景遊八極軒轅弓劍無人

識東海青童寄消息其三無上四句今以文粹添入郭氏樂府又作六首

內三首與文苑元本同○聶夷中送友人歸江南詩皇州五更鼓

月落西南維此時有行客別我孤舟歸上國身無主下

第誠可悲天風動高柯不振短木枝歸路無愁腸省家

無愁眉春日隋河路楊柳飄飄吹文苑止收前六句今

以集本增入○宋之問幸未央宮應制詩春發幔城中

集作春發幔城東仍有四句登高省時物懷古發宸聰

鍾連長樂處臺識未央中文苑以東作中遂脫四句○

吳邁遠飛來雙白鶴詩千里猶寸移樂府作千里猶待

君仍有四句樂哉新相知悲來生別離持此百年命共

逐寸陰移文苑止作一句遂脫二十字今各增入續添

文苑英華辨證卷之六

文苑英華辨證卷之七

宋 廬陵彭叔夏 著

脫文二

文如徐陵用陳王九錫文亂離永久羣盜孔多浙右凶
 渠連兵構逆豈止千兵五校白雀黃龍而已哉公以中
 軍元帥選是親賢姦寇塗窮淮然冰泮自豈止至塗窮
 二十七字見陳書而文苑從南史止云勢窮力蹙四字
 ○沈炯勸進梁元帝表陛下日角龍顏之姿表于徇齊
 之日彤雲素氣南史作靈之瑞基于應物之初博覽則大哉

無所與名深言則擘乎昭南史章之觀忠為令德孝實

動天加以英威茂略雄圖武筭措麾則丹浦不戰顧盼

則版泉自蕩七十六字見梁書南史而文苑止作陛下

孝實動天忠為令緒加以闕二字威窮則版泉自蕩○上

官儀賀涼州瑞石表伏見涼州都督李襲譽表昌松瑞

石合百一十字其文曰高皇海出多子李久王八千年

太平天子李世民王千年太子李治書燕山樂大國

子尚注諤獎文仁通千古大王五王六王七王十王鳳

尾才子天子武文貞觀昌大聖廷四方上下萬治忠孝

為善按唐書五行志貞觀十七年八月四日原州昌松

縣鴻池谷有石五青質白文成字曰高皇海出多子李

元王八十年太平天子李世民千年太子李治書燕山

人士樂大國主尚汪譚獎文仁邁千古大王五王六王

七王十鳳毛才子七佛八菩薩及上古佛田天子文武

貞觀昌大聖延四方上不治示孝仙戈入為善詞既異

同而文苑脫十一字新史云樂太國主指安樂太平公

主七佛八菩薩及上果佛田指武后則十字當增入然

與百一十字數皆不合○許敬宗賀朔旦冬至表伏見

宣義郎李淳風表稱竊見古歷分日起于子半勘得今歲十一月甲子朔旦冬至而故太史令傅用乖天心按唐會要有此表云故太史令傅仁均欲尊異張曹元法減餘稍多子初為朔遂差三刻用乖天正脫二十一字當增入○隋文帝求賢詔見隋書仁壽三年凡五百餘字文苑止載庶政為懷以下百餘字○權德輿歲星居心贊文苑與集同而文粹所載多百餘字○元稹賢良策文苑文粹文類止云設三式以任人而集本作四式文載○許籌珪禪師影堂記自結廬而下多脫略三不本篇

能止有二不能今以傳燈錄增入○彭城王檄征鎮文周太祖檄高歡文脫略亦多今以宋書范曄傳及周書北史增

脫文三

其有他本節略而文苑有全篇矣○如劉孝威望雨詩云瓊綃挂繡幕象簞列華牀侍童拂羽扇廚人奉盪漿勻則有漿有類聚初學記並無此四句○王胄奉和悲濫注濫涼也秋應令詩秋天擬文學秋水擅莊蒙草溼兼葭露波卷洞庭風便坐翻桑葉長暇歇蘭叢簷喧猶有燕陂靜未

來鴻蟬噪聞疑斷池清映似空劉安悲落大曹植歎征
蓬重明豈凝滯無累在淵冲隨時四序合應物五情同
發言形惻隱睿作挺神功下材均朽木何以慕雕蟲此
篇前五韻初學記作蕭愨秋日詩文苑百七十八卷亦
載云庾信作而一百七十九卷乃十韻共題王胄作觀
其詞意只是一篇當以十韻爲正 宋之問送杜審言
詩臥病人事絕聞君萬里行河橋不相送江樹遠含情
別路追孫楚維舟弔屈平可惜龍泉劍流落在豐城集
本同近洪氏邁絕句詩選入止收前二韻○駱賓王帝

京篇春去春來若自馳爭名爭利徒爾爲久留郎署終
難遇空掃相門誰見知集本無此四句○張說開元大
衍歷序勒成一部名曰開元大衍歷經七章一卷長歷
三卷歷議十卷立成法十二卷天竺九軌歷一卷古今
歷書二十四卷略例奏草一卷凡五十二卷按唐會要
云經章十卷長歷五卷歷議十卷立成法天竺九軌歷
二卷古今歷書二十四卷略例奏草一卷凡五十二卷
唐藝文志云大衍歷一卷又歷議十卷歷立成十二卷
歷莫二十四卷七政長歷三卷心機算術括一卷二書

雖與文苑小異而其卷具存惟集本文粹脫長歷三卷
 至天竺九凡十七字九執迺歷名出西域也○李德林
 天命論隋書本傳于內節去自流于戶外至入司文武
 五百六十五字續添○劉洎請太子尊賢重道書諸本
 于內節去竊以良娣之選至重內而輕外也一段說已見年
 月○魏徵明堂議自五帝至誠感自中九十四字何者
 至岡知一百五字顏師古議自聖上至僉議一百五十
 四字舊唐書會要文粹並節去並續添此類皆當從文
 苑

脫文四

其有元本脫逸而文苑因而襲之者○如徐彥伯題李
 適碑陰詩叙云人三章章八句合一十五章据此當有
 五人名氏其詩每各三章今止有徐詩二章○嚴峻字
 之以諫安福門酺樂表與舊史所載同但三不可舊史
 作四不可四不可作五不可既有五不可卻無三不可
 一段而新史亦以為陳五不可疑脫一段○杜牧沈傳
 師行狀出為湖南觀察使兼御史大夫凡三歲轉為此
 下諸本並同疑有脫文按舊史傳師出為湖南入為尚

書在丞出為洪州轉宣州○此皆可疑而亦可闕者也

[Faint bleed-through text from the reverse side of the page]

同異

凡詩文與他本有題同而詞異者○如柳顧言奉和晚
日楊子江應教詩詰旦金鏡發驂駕出城闈鮮雲臨葆
蓋細草藉班輪千里烟霞色四望江山春梅風吹落蘂
酒雨減輕塵日斜歡未畢睿想良非一風生疊浪起霧
捲孤帆出揆藻麗繁星高論光朝日空美鄒枚侶終謝
淵雲筆初學記亦載一首大江都會所長洲有舊名西
流控岷蜀東汎邇蓬瀛未覩織羅動先聽遠濤聲空濛
雲色晦泱泱浪華生欲知暮雨歇當觀飛旆輕○許渾

和友人送僧歸桂州靈巖寺詩楚客送僧歸故鄉海門
帆勢落瀟湘碧雲千里暮愁合白雪一聲春思長滿院
草花平講石遶龕藤葉蓋禪牀憐師不得隨師去已戴
儒冠事素土許集有此詩二首前四句同後四句異云
柳絮擁堤添袖軟松花浮水注瓶香南宗長老幾年別
聞道半巖多影堂前詩題作和浙西從事劉三復送僧
南歸後詩作和友人送僧歸桂州靈巖寺豈文苑誤邪
○方干敘雪寄喻鳧詩密片繁聲久未銷縈風雜霰轉
飄颻澄江莫蔽長流色衰柳難拈自動條溼氣添寒酷

酒夜素花迎曙卷簾朝此時行逕無人迹唯望徽之問
寂寥方干集中別載一首密片無聲急復遲紛紛猶勝
落花時逡巡不覺藏莎渚宛轉偏宜傍柳枝透室虛明
非月照滿空迴散是風吹高人坐臥才方逸援筆應成

六出詞

前篇唐宋類詩以為杜荀鶴作而杜集亦無之

○杜弼為東魏檄梁文

與類聚通鑑並同惟魏書鳧夷蕭衍傳文既諄復先後
亦異其同者數百字而已○陳鴻長恨歌傳見麗情集
京本大曲詞多異同○以上二篇今並錄于本篇之後
○又如答魏和移文二首前篇何敬容作頗詳後篇任

孝恭作見類聚其文大同小異○李德裕集敘二首前篇鄭亞作蓋亞為桂帥時撰今德裕集用之後篇李商隱作疑亞先委判官商隱代作亞後改定故有異同○以上四篇文苑並收覽者所宜詳也

文苑英華辨證卷之七

文苑英華辨證卷之八

宋 廬陵彭叔夏 著

離合一

凡詩有一篇析而為二二篇合而為一者○梁武帝白

銅鞮歌三首一作襄陽 踏銅鞮陌頭征人去閨中女下機含情

不能言送別沾羅衣其一草樹非一香花葉百種色寄語

故情人知我心相憶其二龍馬紫金鞞翠眊白玉羈照耀

雙闕下知是襄陽兒其三見郭氏樂府今文苑合第一第

二為一首又增襄陽白銅鞮聖德應乾來為首句按郭

氏云隋書樂志襄陽白銅蹄梁武帝自爲三曲又令沈約爲三曲今隋志無古今樂錄沈約又作其和云襄陽白銅蹄聖德應乾來合從樂府○張率長相思二首長相思久離別美人之遠如雨絕獨延佇心中結望雲雲遠散望鳥鳥飛滅遠望終若斯珠淚不能雪其一長相思久別離所思何在若天垂鬱鬱相望不得知玉階月夕映羅帷風夜吹長思不能寢坐望天河移其二見樂府今文苑從類聚無遠望終若斯珠淚不能雪二句遂合爲一首詳前後數篇當從樂府作二首○劉孝威蜀道難玉壘

高無極銅梁不可攀雙流迸巖道九畎澀陽關鄧侯束

馬度王生斂轡還斂轡懼身九吐馭奉王猷樂府作懼身充吐馭

奉玉若猶堅若恹千金重誰爲萬里侯戲馬吞珠界揚鈴濯

錦流沈犀厭怪水握鏡表靈邱禺山金璧有光輝遷客

車馬尙輕肥彌想王褒擁節反更憶相如乘傳歸君平

子雲閒無詞江漢英靈信已衰此篇文苑與類聚同惟

郭氏樂府析前五言八句後七言六句爲二首而無中

閒六句劉氏樂府又止有前八句當從文苑爲一首○

江總姬人怨天寒海水慣相知空牀明月不相宜庭中

芳桂憔悴葉井上疏桐零落枝寒燈作花羞夜短霜鴈
多情恆結伴非爲隴水望秦川直至思君腸自斷又姬
人怨服散篇薄命夫婿好神仙逆愁高飛向紫烟金丹
欲成猶百鍊玉酒新熟幾千年妾家邯鄲好輕薄特忿
仙童一九藥自悲行處綠苔生何悟啼多紅粉落莫輕
小婦狎春風羅襪也得步河宮雲車欲駕應相待羽衣
未去幸須同不學蕭史還樓上曾逐姮娥戲月中二詩
本集及類聚合爲一篇今詳題目一爲姬人怨一爲姬
人怨服散篇本集類聚止正與詞相應當從文苑爲二
作姬人怨

首○元稹西齋小松詩松樹短于我清風亦已多况乃
枝上雪動搖微月波幽姿得閒地詎感歲蹉跎但恐夏
終構藉君當奈何簇簇枝新黃纖纖攢素指柔苙漸依
條短莎還半委清風日夜高凌雲竟何已千歲盤老龍
修鱗自茲始此詩文苑與集本併爲一首詳其詞意既
是兩韻又用二清風字當爲二首續添○此類覽者所
宜詳也

避諱

凡避諱而易以他字者○如庾信蕭太誌周書北史竝

作蕭泰庾信蓋避周太祖諱泰改作太字○虞寄諫陳寶應書見南史本傳以世故作艱故不世作動俗庇民作庇人迺作史者避唐諱耳○許敬宗舉賢良詔用生民吏民致治成治字而唐大詔令改爲生靈吏人致政成化當唐太宗時二名不偏諱見實錄及會要高宗雖諱治而此詔在貞觀二十一年六月疑是後人追改○新羅王織錦作詩理物體含章理唐書本傳作治此在高宗永徽元年獻詩當避高宗諱則理字是○崔沔對應封神嶽舉賢良策用治字世字時神功元年武后雖已革命

不應使用唐諱○蘇頲開元神武皇帝文開者泰也罔不享享疑作亨或謂肅宗諱亨故改作享然此先天二年刪文也時肅宗諱嗣昇開元十三年改諱浚二十六年改諱紹天寶二載方改諱亨安得豫爲之諱乎○又有避家諱者如杜甫宴王使君宅詩畱懽上夜關世謂子美不避家諱詩中兩押閒字麻沙傳孫氏覲杜詩押韻作卜夜閒北斗閒今文苑亦作卜夜閒其實皆非也或改作夜闌又不在韻按卜氏集注杜詩及別本自是畱懽上夜關蓋有投轄之意上字訛爲卜字關字訛

爲閒字耳北斗閒者迺諸將詩曾閃朱旗北斗殷殷于顏切紅色也用班固燕然銘朱旗絳天之意或者當

國時初 宣祖諱殷正緊音雖不同字則一體遂改

爲閒邪 文苑不載諸將詩因併及之

異域地名附

異域國名有與史傳異者○如紇斡斯門按唐書點戛斯傳點戛斯古堅昆國亦曰紇斡斯後訛爲點戛斯李德裕與紇斡斯書與前篇點戛斯書及唐點戛斯傳事迹並同今文苑既出點戛斯門又有紇斡斯門誤矣○

韓愈送權尚書序臘真于院利之屬按南史通典竝作千陀利而諸本韓文竝以千作于○又烏公先廟碑從戰榛鹿集本文粹並作柰祿柰祿山也○杜牧爲中書門下請追尊號表鄭吉之理焉壘班超之鎮地乾焉當作烏地當作他見二漢書 如通鑑考異焉耆八貢于魏後魏書昔作烏耆去漢時舊國也按漢書作焉蓋字之訛耳

士師子賦豈方姿于魃儵儵當作魃張景陽七命曰拉

魃魃上胡甘切白虎也魃魃下式六切黑虎也○石鎮罔兩賦雖鳧鵠而異稟

將斷續而則悲鵠莊子作鶴鄭借送金城公主適西蕃

詩貴主悲黃鶴崔日用詩雙鶴願為歌李適詩主鶴漢

書作鵠按玉篇鶴何各切鵠胡篤切漢紀注云黃鵠人

似是二物然莊子鵠不日浴而白陸德明音義直云鵠

又作鶴並胡洛切則是一物又藝文類聚鶴門亦有鵠

事樂府飛來雙白鶴一作白鵠則鵠鶴通用不可輕改

○解鵠語判驗茲鵠鵠取效何異于公明公明管輅字

也此判題云鄰婦殺夫鵠來相告事見管輅傳則鵠疑

當作鵠古沃切玉篇鵠鵠鵠廣韻鵠鵠鵠似鵠而周禮

設其鵠注鴝鵒小鳥今並存之○此類覽者所宜詳也

草木

凡草木各有訛舛及與他本異者○庾信枯樹賦松子

古度平仲居遷按左思吳都賦平仲君遷松梓古度注

皆木名梧遷木出交阯藝文類聚古文苑竝作君遷是

矣松梓二木而類聚古文苑竝作松子未詳姑闕之○

敬括豫章賦淹冀靈之光價按莊子楚之南有冥靈者

學海類編 文苑英華 卷八 七 考據
以五百歲爲春以五百歲爲秋莫疑當作冥○劉禹錫
傷往賦飄零日及之萼集作日反按廣志日及木槿也
晉成公綏潘尼竝有日及賦反字恐非○敬括木連賦
白居易集有木蓮樹詩序云其花似蓮此賦亦云狀中
浦之芙蓉連疑當作蓮○李迥秀和侍宴樂安公主山
莊詩萩園竹徑接惟陰苗稅千畝判無聞萩竹之奢按
東方朔傳萩竹藉田是竇太主園貨殖傳河濟之閒千
樹萩渭川千畝竹師古曰萩卽楸字集韻萩楸通用萩
字恐非○庾肩吾和汎舟漢水詩桂棹棠棠船初學記

作架棠船按古樂府沙棠爲船桂爲楫廣韻棠棠木名

玉篇棠棠可衛水則堂當作棠架字誤○吳筠竹賦策

筭筭曼則筒林筭筭一作筭籥筭筭筭筭一作筭按吳都賦又云

絲筭射筒由梧有篁注由梧竹出交趾張衡南都賦篠

簞筭筭初學記竹譜又有筭竹似桂疑當作筭筭筭

射筒絲筭籥筭筭而筭字亦可並存又菡隋絳文而

繡攄菡疑作菡初學記菡隋竹皮類繡梁元帝元覽賦

堯韭舜榮本草菡蒲一名堯韭一本作堯悲非陳章艾

人賦列名號于冰壺壺一作臺是爾雅艾冰臺康子玉

瓜賦大則三尺二升升疑當作斗廣志青登瓜大如三

斗魁桂枝瓜長三尺餘若止二升不足為大又黃瓠白搏蓋押班王僧儒有所思詩

當作搏陸機瓜賦黃瓠白搏一名垣衣一名瓦松見本草辟字恐非

朝光照辟邪樂府作昔邪一名垣衣一名瓦松見本草辟字恐非

此類覽者所宜詳也 又言登前以主致當非

蘇頌稂由詩言登由詩言出交地乘南南帶

蘇頌曼似尚林善詩餘等旂登詩

王諷棠棠何潘水用登當於棠棠字是○吳說曾無棠

非棠棠韻棠有棠棠詩棠棠韻棠棠詩棠棠木各

文苑英華辨證卷之九

雜錄一

宋 廬陵彭叔夏 著

杜甫南郊賦屏玉軌以蠖略按甘泉賦蠖略蕤綏蠖於

鑊反正言車馬之狀而集作蠖略非

李德裕瑞橋賦霜飛文囿文囿者文王之囿也而集作

天囿

白居易射中正鵠賦且無聲而有聞聞雖訓問而集徑

作問

杜甫少年行臨軒下馬坐人牀而集作臨街傾銀注玉
驚人眼而集作注瓦皆是後人所改也

陳子昂贈倉曹乞推命祿詩非同墨翟問空滯殺龍川
集作至龍川按墨子墨子北之齊遇日者曰帝以今日
殺墨龍于北方而先生之色墨不可以北墨子不聽不
遂而反此詩謂推命祿則殺龍是集本作至非也

白居易七德舞魏徵夢見子夜泣

徵疾亟太宗夢與徵別既寤流涕是夜徵卒故御製碑云昔殷宗得良弼于夢中今朕失賢臣于覺後見唐書

張謹哀聞辰日哭以子夜對辰日兼注文亦明甚而一本作天子泣恐非

顧況歷陽苦雨詩亥市風煙接亥或改作互按張籍江
南詩云江村亥日長爲市又洪氏芻隆與職方乘曰分
甯縣本武甯縣之常州亥也嶺南村落有市謂之虛不
常會多虛曰西蜀曰亥如亥疾閒而復作也江南曰亥
本與蜀同惡以疾稱止曰亥耳二說如此則爲亥市明
矣
杜顥故絳行君不見虜祁宮左傳晉侯築虜祁之宮注
虜祁地名在絳西四十里臨汾水而文粹迺作祈禱宮
非也

學海類編 文苑英華 卷之五 一 考據
白居易進士策問第一道大時不齊大信不約大白若
辱大直若屈雷一發而蟄蟲蘇句萌達霜一降而天地
肅草木衰其爲時也大矣斯豈不齊者乎日月代明而
晝夜分刻漏者準之無抄忽之失焉春秋代謝而寒暑
節律呂者候之無黍累之差焉其爲信也大矣斯豈不
約者乎堯讓天下而許由遁周有天下而伯夷餓其爲
白也大矣斯豈辱身者乎桀不道龍逢諫而死紂不道
比干諫而死其爲直也大矣斯豈屈己者乎詳上下文
斯語極爲允當而印行集本卻于辱身屈己之上各添

一不字但欲與不齊不約相應而忘其淺陋今別白言
之以見印本經後人添改大率類此益知舊書之可信
也

又衣食之源策求靡萍於中陵植橘柚於江北靡萍見
左思魏都賦尋靡萍于中遠五臣注靡流也而集本無

靡字柚字

楚詞天問
靡萍九衢

孫愰文詞雅麗策反支通奏甲夜觀書反支日不受章
疏見後漢而一本作及晨通奏未詳孰是

李德裕上尊號玉冊文寬底劇之罪劇誅見周禮司烜

氏注又漢書述哀紀底劇鼎臣而集作虔劉
元稹授趙宗儒太常卿制肇自清廟逮予還宮贊導法
儀逾于四百俛伏趨數訖無尤違趨數見禮記其行也
趨趨以數讀作促速而集作通數

徐陵勸進梁元帝表滕公擁樹見夏侯嬰傳一本作面
擁

祖君彥爲李密檄洛州文三空總萃見後漢陳蕃傳而
舊唐書作三靈總粹

孫樵書田將軍邊事大入成都門其三門作兩句讀而

文粹集本迺削其三門三字止云大入成都門遂不成

文

陸襄誅心符屈婞見離騷經婞直以身亡而或作屈仕

白居易趙郡李公家廟碑李氏南祖此李紳也唐宰相

世系表紳本趙郡李氏有南祖西祖東祖而集以南作

宗

梁肅獨孤常州行狀孔文子以敏而好學爲文公叔發

以恤衛國凶飢爲惠公叔拔一名發見禮記注而集作

公叔發廩

學海類編

文苑英華辨證九

考據

皇甫湜韓愈行狀五為侍郎謂愈初遷刑侍貶潮移袁
人為國子祭酒改兵部使鎮州迴轉史侍改京尹與李
紳不協改兵侍因自辨後為吏侍凡五為侍郎也而集
本迺作位為侍郎

以上並當以文苑為正

雜錄二

述聖賦

太宗御製敘

闕作者名氏按唐謝偃傳太宗召偃欲

偃作賦先為序一篇頗言天下乂安功德茂盛意授偃

使賦之偃緣帝指名曰述聖帝甚悅賜偃幣帛數十則

此篇是謝偃所作

蕭后述志賦后常不隨從時復見帝失德心不敢措言

北史本傳作未嘗不隨從后見帝失德心知不可不敢

措言因作述志賦以表其意

庾信哀江南賦茫茫慘黷錢起圖畫功臣賦掃乾坤之

慘黷杜甫送郭中丞詩中原何慘黷按文選陸機漢功
 臣贊茫茫宇宙上慘下黷慘楚錦切塵也三字並當作
 慘又哀江南賦下文復云人神慘酷則上不當用慘字
 明矣而周書迺以慘酷為怨酷
 鄭錫觀百獸率舞賦條支之犀黃支之殼按漢平帝紀
 黃支獻犀牛西域傳條支國有大鳥卵如甕疑當作黃
 支之犀條支之殼
 高無際井賦棲永康之瑞鳥
 韋承慶枯井賦永康則金精化鳥鳥一作馬按藝文類
 聚引異苑永康王曠井上有洗石子婦覩二黃鳥鬪掩

取變成黃金則馬字非

獨孤授吉光裘賦青鳳之燠徒稱雍陶千金裘賦誇煥
 干青鳳按拾遺周昭王以青鳳毛為二裘一燠質二暄
 肌則誇煥之煥當作燠字明矣

陸龜蒙幽居賦力止戡蟬按列子臣之力堪秋蟬之翼
 注堪猶勝也則戡當作堪

李義府在雋州遙叙封禪詩初學記凡兩出一在泰山
 門一在封禪門文苑所編乃泰山門中所載者而封禪
 門中顯作羨陪封禪乃前篇節文首云日觀啓崇期
 初學

記前篇與文苑作崇祠又於第三聯有云眺迴分吳乘凌高屬漢

祠初學記前篇與文苑並無此按爾雅路八達謂之崇期又漢官儀

云泰山東南巖有日觀日觀者雞一鳴時見日始欲出

長三丈所又東南有秦觀秦觀者望見長安吳觀者望

見會稽周觀者望見齊所謂眺迴分吳乘即吳觀也二

篇異同如此當並存之

雜錄二

李百藥少年行少年飛翠蓋上路動金鑣始酌文君酒

新吹弄玉簫少年子歡樂盡芳朝千金笑裏面一搦掌

中腰挂纓豈憚宿落珥不勝嬌少年子無辭歸路遙此

篇用兩少年子在每四句後亦是而文粹樂府乃以前

二句為少年不歡樂何以盡芳朝後二句為寄語少年

子無辭歸路遙詳上下詞意殆不如文苑今姑存之

張籍蘇州江岸畱別樂天詩銀泥裙映錦障泥畫舸停

橈馬簇蹄清唱曲終鸚鵡語紅旌影動薄寒嘶漸消醉

色朱顏淺欲語離情翠黛低莫忘使君吟詠處汝墳湖
北武邱西此詩張集不載見樂天集題作武邱寺路宴
畱別諸妓薄寒作駁鞵廣韻云駁鞵蕃大馬也汝墳作
女墳乃虎邱寺真娘墓也此以辨之文苑誤矣
康翊仁鮫人潛織詩三日丈人嫌按樂府焦仲卿妻詩
三日斷五匹大人故嫌遲後漢范滂謂母爲大人而史
記索隱注韋昭云古者名男子爲丈夫尊父嫗爲丈人
故漢書宣元六王傳所云丈人謂淮陽憲王外王母卽
張博母也故古詩云三日斷五匹丈人故嫌遲也

趙嘏西峰卽事獻沈大夫詩山連謝宅餘霞在水應琴
雞舊浪春又有宛陵寓居上沈大夫詩晚伴西峰醉客
還又云謝家雲水滿東山此二首皆言宛陵也宛陵今
宣州謝元暉守宣城有謝公亭又有詩云餘霞散成綺
又有琴溪卽琴高控鯉之地則雞當作谿沈大夫卽沈
傳師也

梁孝元帝蘭澤多芳草詩春蘭本無豔初學記作無絕
按楚詞春蘭兮秋鞠長無絕兮終古則無絕字亦是
白居易霓裳羽衣舞歌答微之啓云七州千萬戶集作

七縣十萬戶時微之在浙東若以越州管內言之則七縣十萬戶若以浙東觀察使所統言之則元文似是但千字疑啓中誇大之詞

羅隱薛陽陶鑿築歌平泉上相東征日曾爲陽陶歌鑿築歌烏江太守會稽侯相次三篇皆俊逸平泉謂李德裕曾作此歌蘇州刺史白居易越州刺史元稹竝有和篇此言烏江恐是吳江迺蘇州也

白居易題于家公主舊宅詩平陽有宅少人遊應是遊人到卽愁布穀烏啼桃李院絡絲蟲繞鳳凰樓臺傾滑

石猶殘砌簾斷眞珠不滿鉤聞道至今蕭史在髭鬚皓

白向韶州

韶集作明

按于家公主憲宗之女永昌公主下嫁

于頔之子季友元和閒卒追封梁國諡惠康韓退之有挽歌時季友尚存故有梧桐半樹春之句謂半死半生也于頔家河南後徙貫京兆居易所題舊宅在洛中言公主已亡而蕭史尚在其後有寄明州于駙馬使君詩畱滯三年在浙東又有近海饒風海味腥鹹之語皆指明州也檢唐史于頔傳不書季友終于何官而宰相世系表季友絳宋等州刺史不及明州蓋省文今文苑乃

學海類編 卷之六 文苑英華 卷之六
作韶州按唐公主有二人適于氏一則季友一則于琮
適于琮者宣宗之女廣德公主以大年十三年下嫁時
白居易于會昌六年卒已十三年矣于琮以咸通八年
爲相十三年貶韶州刺史廣德公主與之同往其後竝
死于黃巢則于琮之在韶州也夫妻尙無恙又在居易
卒之後安得題公主舊宅乎文苑誤指季友爲于琮遂
改作韶州不可不辨

姚崇冰壺誠龐恭致水恭字當作參事見後漢王平敘
牛僧孺譴貓趙厥亂岷蜀以羅冲征之厥當作厥冲當

作尙一名仲事見晉書

河南尹魏少游謝官表蒙恩除臣河南尹又云發自渠
州星言卽路按唐書少游傳自渠州刺史授京兆尹而
表文又引鉤距平反二事今云河南未詳

許智仁奏懷州黃河清表伏見涼州元石式昭靈命臣
部黃河應時清澈按唐書五行志貞觀十六年正月懷
州黃河清十七年涼州李襲譽奏瑞石其年鄭州滑州
河清今涼州元石在先懷州河清在後則與史異

魏知古尋李道士不遇詩忽聞歸舊縣初學記作苦縣

學海類編 卷之九
按老子姓李楚苦縣人也下云復想入函關亦老子事
竝指李先生當從初學記續漆書志自謂十六年五月

文苑英華辨證卷之九終

文苑英華辨證卷之十

宋 廬陵彭叔夏 著

雜錄四

盧照鄰與在朝諸賢書方回尙在王羲之就倉奴而共
談按晉劉惔傳惔與羲之友善郗惜有倉奴知文章羲
之每稱于惔惔問何如方回羲之曰小人耳惔曰常奴
耳則倉當作僮

張元晏謝宰相啓假金駿爲駑駘之飾駿疑作鍍亡犯
切馬首飾也張衡東京賦金鍍鏤錫

薛廷珪授司農卿制鄭元漢之名儒也韓信漢之上將也尙聞徵拜或至就加按史漢兩韓信傳無爲司農事而韓安國失官家居武帝召爲北地都尉遷大司農疑是安國○又治粟內史秦官景帝後元年更爲大農今武帝太初元年更爲大司農則漢初未有大司農也蘇頲授房光義光祿卿制蘭猗趨職已伏於誰何猗當作錡見張平子西京賦注云蘭錡兵架也封敖德陽節歎道文按唐會要武宗六月十一日生名慶陽節今作德陽未詳

朱敬則北齊高祖論看尉景之肱景本傳作胠又北齊文襄論神武云日爲我蝕今死亦掩北齊書本紀作死亦何恨

庾信拓跋儉碑南起清政之樓北史本傳作清德樓李商隱祭伏波廟文德陽殿下甯相馬以推工馬援傳作宣德殿下

章華諫陳後主書世祖東定吳會西破王琳謂湘州刺史王琳不應命而世祖平之也而文苑作西破桂林恐非

學海類編卷之二十一
杜牧上宣州高大夫書上官儀草廢武后詔李元義郝處俊言不可以位與武后而集本文粹竝作上官儀革廢武后召李元義云云按唐書高宗欲廢武后令上官儀草詔又欲令武后攝政郝處俊李義炎固爭此云李元義未詳然集粹誤矣又云宰相河東司空公中書令裴公皆進士文粹以司空公中書令作司徒兼中書令按下文云司空公始相憲宗又云裴公元和中翦蔡是二人也蓋司空公迺杜黃裳與杜牧俱是京兆萬年人為檢校司空河中慈隰節度使故云河東司空公既與

杜牧同族故不書姓名而裴度則為司徒真拜中書令亦非兼也今杜牧云皆進士又分別兩人事迹則非一人矣况總云凡此十九公則是房元齡郝處俊來濟上官儀李元義婁師德張柬之郭元振魏知古姚元崇宋璟劉幽求蘇瓌子頰張說張九齡張巡并杜黃裳裴度共十九人文粹迺云司徒兼中書令裴公則遺杜黃裳一人與下文不應當如集本作司空公中書令為是修堤堰判堯水屢逢媯灰未正正疑當作止淮南子女媯積蘆灰以止淫水

李師道判官也新史舊史並作高沐

賈至授暢瓘諫議大夫制總目作楊瓘而舊史有暢瓘

傳嘗為諫議大夫

高士廉文思博要序祕書郎宋正時而唐藝文志撰文

思博要者有李淳風無宋正時

李萃楊騎曹集序趙郡李萼李傾南陽張階連年高第

而唐登科記有李伉李欣張錯無李傾張階

左武衛胄曹許君經邦集序唯昌黎韓愈友善韓為江

西從事此篇元以為權德輿作而德輿集無之愈亦未

嘗為江西從事疑愈字誤

隆興職方乘載昌黎韓洄為觀察使張鎬僚佐正在此時恐是韓洄又英華載張鎬遺愛頌云昌黎韓洄職方乘誤作泗

徐陵自稱徐君

與王僧辨書孤張說自稱張君祭殷仲子徐君亦作名

王僧達祭顏光祿文自稱王君王績集中載兩答刺史

杜之松答處士馮子萃與江公重借隋紀四書並稱王

君白又文選任彥升固辭奪禮啟昉字李善本作君呂

延濟曰昉家集諱其名但云君撰者因而錄之未詳孰

是

張說爲建安郡王武攸宜平冀州賊契丹露布建安郡
王武攸宜一本作河內郡王集作神兵道按唐書萬歲
通天初建安郡王武攸宜爲清邊道行軍大總管封契
丹神功元年河內郡王武懿宗爲神兵道大總管封契
丹孫萬榮今露布所載迺河內郡王而集中首題河內
郡王臣某一作爲是

緒無量元希聲崔景旻墓誌沈傳師行狀元不書名止
云某今以唐書填人他皆倣此

雜錄五

張說季春下旬宴山池序尾暮春之提日按初學記晦
日門引公羊傳提月六鵙退飛過宋都提月者何僅逮
是月也何以不曰晦日也今題云季春下旬則提月也

但日字可疑耳

今公羊傳作是月
釋文一待兮反

韓愈藍田縣丞廳壁記劾數慢近世方崧鄉韓集舉正
云劾文苑作諺蜀本作該該轉爲劾其訛益甚又再進
再屈于人洪氏容齋續筆云杭本韓文作再屈千人蜀
本作再進屈千人文苑亦然舉正云蜀本作再進再屈
千人文苑作再進屈千人今從他本以千爲于仍多再

字

方崧卿婁舉文苑以證韓文然比今本又自不同意好事者展轉改反失其真各存其說

又李元賓墓誌竟何為哉竟何為哉邵伯溫次子傳字公濟續父書號聞見後錄謂石本以上句作意何為哉為妙舉正遂信其說大抵前輩文字多自改于石刻之後而石本真贗尙未可知况邵氏父子所錄差誤非一端不可盡信以理觀之則元本竟字亦未為不是終勝意字

楊炯薛元超行狀上幸九成宮時太子英王侍皇帝酒酒酣公獻壽曰天皇合易象乾將三男震坎艮今日是

也集作太子英王皇帝侍酒酣皇帝蓋謂睿宗也當如集本迺合三男之說

賦中押韻閒有不見官韻者固所未詳乃如漢文帝幸細柳營賦以將軍出令漢帝徐行為韻賦內云遙臨渭水之將詩在渭之將將側也本是官韻或乃改作傍

○又勤政樓視朔觀雲物賦以歡作端沛父老畱漢高祖賦以意為里皆輕改官韻

凡文苑所編失作者年代先後或叢雜不倫今各釐正如表疏哀冊文謚議碑誌中釋門家廟神道中職官等

卷是也他皆倣此覽者所宜詳也
凡詩賦雜文等多重出而頗有異同蓋編文苑時非出一手故也又二百六十一卷諸本並有兩卷其篇數雖合總目而詩賦多重複或全異者如周賀十二首重者三溫庭筠十五首重者五杜牧九首皆不同許渾十四首前卷闕其九今合爲一卷去其重複注異同爲一作
○按楊文公作楊徽之行狀云受詔與諸公編文苑英華以公專精風騷特命編詩爲二百卷則詩出一人之手不知何故重複如此

凡書疏表啓等文苑多與舊唐書貞觀政要太宗實錄唐會要同而新史多潤色其文頗異今亦參取
孔熙先爲彭城王檄征鎮文見宋書范曄傳迺曄與熙先等謀逆之文也文苑亦從而錄之未詳

楊盈川楊去盈墓誌蔣琬之譏盛元責在司空元集作允按後漢黃琬對司空盛允曰蠻夷狷夏責在司空當作黃琬盛允蔣琬乃蜀人也

于邵送趙評事赴東都序身田身筐之貢身疑作身古文厥字見廣韻玉篇

文苑英華辨證卷之十

于滔致敏儒事性東精自具田身之實身親者其可
非黃麻盡武蘇與以罪人也

文苑英華辨證卷之十
空靈與曰變以清夏責台同空當

詩益川游去盜藥為蘇以之皆盡云皆空而空與
決善精遊之文出又故亦實而檢之未信

文苑英華辨證卷之十

太宗實錄



程